

Wël Jethu cî Joon göt

Wet nom

Wël cî Joon göt aa Jethu nyuwoth ke ye Wet theer Nhialic tō thîn ë lōnayon ku emēn, ku abî tō thîn ë lanayon ku emēn, ku abî tō thîn atheer, “Ku Wet aci ben a raan ku ciēŋ kek ɣo.” Cîmēn ye athōor nom guōp ye lueel, Joon ë gät wëlkä rin bî kōc kuen ye ŋic lōn nadē ke Jethu yen Alueek, Wēn Nhialic wäär cî lek kōc. Ku kōc bî wetde gam aabî pîr. (20:31)

Jethu aye nyuwoth aban tueŋ yic, lōn ë yen Wet Nhialic. Ku wël kōk bö ciēen ë kēnē cōk, aa kāk juēc jāŋ göi cî Jethu looi. Ku kākka aa Jethu nyuwoth aya lōn ë yen Wēn Nhialic, ku ë yen Aluāŋ wäär cî lueel. Kākka cōk, kāk jāŋ göi cî rōt tieŋ aaci teet yiic. Aban athōr kēnē ë ɣo lek te cî kōc kōk wet Jethu gam thîn ku buothkē. Ku dhāl kōc kōk welke ku cik wetde gam.

Jok cōkdît 13 ɣet 17 ala yic te cî Jethu kek kōcken ye buoŋth rēer thîn ë tōk wēer akōl wäär dōm ye. Ku eci jam tēnē kōcken ye buoŋth nākde nom tueŋ te bî kek rōt guēer thîn, ku deet kepuōth. Cōk ciēen aa ɣo lek dōmdōm Jethu, ku luōŋde ku piet cî ye piāat tim cî rīu kōu, ku jōn rotde. Ku jōl a nyooth cî yen rot nyuwoth tēnē kōcken ye buoŋth jōn rotde cōk ciēen. Anyikōl tiŋ cî kōor ye yōk cōkdît 8 yic, jōk cōk koor 1 ɣet 11 aci nyāāŋ wei kāk cî göt theer yiic. Ku akēc kōc tueŋ kek ke war getget wël Jethu yiic göt. Ku aye kōc kōk göt aya tedet.

Joon ë miōc pîr akōlriēc ebēn bî gām kōc te gem wet Raan cî lōc ku dōc, deet kōc puōth. Ku ë miōc bî rot jōk emēn ke bî gām kōc bî Jethu gam, lōn ye yen dhēl ku yic ku pîr.

Kāk tō thîn

Kāk cî göt tueŋ 1:1-18

Joon raan kōc muōc nīim ku kōc cî Jethu kaŋ buoŋth 1:19-51

Piōc ë Jethu 2:1-12:50

Nin ciēen kadhorou thuōnde nom tueŋ 13:1-19:42

Jōn rot ku nyooth rot Beny 20:1-31

Kāk cî göt ciēen nyooth rot det Galilia 21:1-25

Wet Pîr

1 ¹ Wätheer kēc nhial ku piny cak, Wet ë tō thîn, ee rēer kek Nhialic, ku Wet ë ye Nhialic. ² Wet ë rēer kek Nhialic wäär cek kāŋ. ³ Kājuēc rēer nhial ku piny ebēn aake cak ë ye. Ku aciŋ kāk tō thîn kēc ke cak ke yeen liu thîn. ⁴ Kuat kāk tō thîn ebēn aa pîr yōk tēnē ye. Ku pierde aci ruel gām raan ebēn.^a ⁵ Pierde yen ë ruel dep apei muōŋth yic, ku akēc lēu bî kuōm nyin piny.

⁶ Nhialic eci atuōnyde tooc, raan cōl Joon. ⁷ Aci ben bî kōc ben lek bik ruel ŋic. Aci ben bî lek ke bî raan ebēn wet piŋ ku gem. ⁸ Yeen eci yen ruel, aci ben bî kōc ben lek ruel. ⁹ Ku Wet yen ë ye ruel ayic, ruel cî ben pinynhom tēnē raan ebēn.

¹⁰ Wet ë tō pinynhom, ku Nhialic ë cak piny ë ye, ku akēc kōc pinynhom ŋic. ¹¹ Yeen aci ben tēnē kāk ke cî cak, ku akēc kōcken cî cak lor. ¹² Ku aci kōc abek ben lor ku gamkē wetde, goke gām riel bik aa mīth Nhialic. ¹³ Keek aacie mīth Nhialic cīt te ye kōc dhiēeth thîn, cîmēn ye mīth la wun dhiēeth ke. Ee Nhialic guōp yen ë Wunden.

¹⁴ Wet aci ben a raan ku ciēŋ ke ɣo. Ku dieekde acuk tiŋ, diik Wēn tōŋ Nhialic. Ku ë yen bīi yic, ku lier puōu Nhialic tēnē ɣo.

¹⁵ Ku Joon aci tuōl ku lēk kōc ë rienke elä, “Kēnē yen ë raan wäär ye ɣen jam ë rienke, raan wäär ya lueel elä, ‘Yen abî lōk ben ɣacōk, ku adīt tēnē ɣa. Yeen ë rēer thîn wäär ke ɣa kēc cak dhiēeth.’ ”

¹⁶ Rin kăpuoŋth ë yen Wēn Nhialic, yen aci ɣo dōc ebēn, dōc tōk ë dōc det cōk. ¹⁷ Wätheer lōŋ eci Nhialic gām kōc ë Mothith, ku emēn Nhialic aci yic ku lier piānde gām kōc ë Jethu raan cî lōc ku dōc. ¹⁸ Aciŋ raan cî Nhialic kaŋ tiŋ teɣon. Ee Wēn tōŋ thōŋ kek Nhialic, rēer Wun lōm yen aci ɣo cōl aŋic Nhialic.

^a1:4Wet yen aci bēn aa pīr

Athön Joon raan kóc muɔɔc nhïim

(Mt 21:12-13; Mk 1:1-8; Lk 3:1-18)

¹⁹ Kocdit Itharel Jeruthalem aake cï kóc kák Nhialic ku kóc kuat Lebï tuɔɔc tēnē Joon, bik la thiēec ēlä, “Ye yïn ɳa?”

²⁰ Ku Joon akēc ben jai bï wetden dhuk nom. Acï ben beer ē cök ku lueel ēlä, “Acie ɳen Raan cï loc ku doc.”

²¹ Gokē thiēec, “Aye yïn ɳa? Ee yïn Elija?” Go beer, “Acie ɳa.” Gokē ben thiēec, “Ye yïn raandit kák Nhialic tiŋ bï ben?”^b Go dhuök ke, “Ye! Acie ɳa.” ²² Gokē lueel, “Lek ɳo, ee yïn ɳa? Yok aa dhil wet dhuök kóc ke toc ɳo. Ye rot yök ē yïn ɳa?” ²³ Go Joon beer, “Yen ē jam apei roor te cïi ceŋ, ‘Guierkē dhël Beny bï la cök cïmēn wäär cï Ithaya raan kák Nhialic tiŋ ye lueel.’ ”

²⁴ Röörkä aake tooc kóc akut Parathï, ²⁵ ku jolkē Joon ben thiēec ēlä, “Yeŋö ē yïn kóc muɔɔc nhïim te cïi yïn ye Raan cï loc ku doc, ku yïn acie Elija ku cïi ye raandit kák Nhialic tiŋ?” ²⁶ Go Joon dhuök ke, “Yen ē kóc muɔɔc nhïim piü ē path, ku raan areer kamkun ē ten ku acäk ɳic, ²⁷ raan yen lök ben ɳacök ciēen, ku acä lēu ba warke dök.” ²⁸ Kēn ē loi rot pan cöl Bethanï, wär Jordan kōu tewäär ye Joon kóc muɔɔc nhïim thïn.

Amälthiin Nhialic

²⁹ Naɳon aköl det ke Joon tiŋ Jethu ke bö tēnē ye, go lueel, “Tienkē Amälthiin Nhialic yen bä adumuööm kóc pinynhom nyaai, kan abö. ³⁰ Yen ē raan ye ɳen jam ē rienke wäär ē ɳen ye lueel ēlä, ‘Yen abï lök ben ɳacök, ku adit tēnē ɳa. Yeen ē reer thïn wäär ke ɳa kēc cak dhiēeth.’ ³¹ Aacä ɳic bï ya yen ɳa, ku ɳen acï ben ku ya kóc muɔɔc nhïim piü rin bï ɳen ye cöl aŋic kóc Itharel.”

³² Ku ecï Joon lueel aya ēlä, “Yen acï Wēi Nhialic tiŋ ke bö kecit kuur ē dit, ku nyuuc yenhom. ³³ Ku ē ɳot kec ɳic, ku ecï Nhialic raan toc ɳa ba kóc aa muɔɔc nhïim piü, lek ɳa ēlä, ‘Raan bï yïn Wēi Nhialic tiŋ ke bö ku nyuuc yenhom yen ē raan bï kóc muɔɔc nhïim Wēi Nhialic.’ ³⁴ Ee yic, aca tiŋ ku aleu ba lueel, wenhïim lon ē yen Wēn Nhialic.”

Kóc cï Jethu kaŋ buoθh

³⁵ ɳon aköl det, Joon ē kääc kek kocken ye buoθh karou tewäär aköl. ³⁶ Nawēn tiŋ Jethu ke tēk tethiök ke ke, go Joon döt apei ku lueel, “Tienkē, yen akan yen Amäl Nhialic.” ³⁷ Ku jöl piŋ kóc ye buoθh awēn karou këya, gokē Jethu buoθh. ³⁸ Nawēn wel Jethu yenhom, ke tiŋ ke ke buoθh ye, go ke thiēec, “Yeŋö wieckē?” Gokē lueel, “Rabi, reer tenen?” (Ku wetde yic, “Raan Piöoc.”)

³⁹ Go lek ke, “Bäk, bäk ben tiŋ.” Gokē la ku tiŋkē te reer yen thïn. Ku ē ye tään aköl, ku jolkē reer kek ye abï piny cuöl.

⁴⁰ Raan tök kam kóc wēn karou cï wet Joon piŋ ku buoθh Jethu, ee ye Andria wämēnh Thaimon Pïter. ⁴¹ Naɳon nhiäk rial, ke Andria räm ke menhē, go lek ye, “Yok aaci Methaya yök.” (Ku wetde yic Raan cï loc ku doc.) ⁴² Ku ɳeth Thaimon tēnē Jethu. Go Jethu döt apei ku lueel, “Yïn ē Thaimon wēn Joon, yïn abï cöl Kepa.” (Ku yen Pïter wetde yic ee kuur.)

Jethu acï Pilipo ku Nathaniel cöl

⁴³ Nawēn aköl det ke Jethu la Galilia, ke räm kek Pilipo, go lek ye, “Buoθh ɳa.” ⁴⁴ Ku Pilipo ē raan Bethaida, ku ē gen yï Andria ku Pïter aya. ⁴⁵ Go Pilipo Nathaniel yök ku lēk ye, “Yok aaci raan wäär cï Mothith gät ē rienke athör löön yic, raan yen cï kóc kák Nhialic tiŋ gät ē rienke aya, acuk yök. Yen ē Jethu wēn Jothep raan Nadharet.”

⁴⁶ Go Nathaniel lueel, “Ye këpiath ɳö lēu bï tuöl Nadharet?” Go Pilipo beer, “Bäär ba tiŋ.”

⁴⁷ Nawēn tiŋ Jethu Nathaniel ke bö, ke jam rin Nathaniel ku lueel, “Raan kēnē ē raan Itharel ayic guöp, kecïn guöp ruēeny.”

⁴⁸ Go Nathaniel lueel, “Ca ɳic kēdē?” Go Jethu beer, “Yïn guo ɳic wēn reer yïn ɳaap cök, tewēn kēc Pilipo la bï yï la cöl.”

⁴⁹ Go Nathaniel beer ku lueel, “Raan piöoc, yïn ē Wēn Nhialic, yïn ē Beny Itharel.”

⁵⁰ Go Jethu beer, “Ca jäl gam rin cï ɳen ye lek yï lon cï ɳen yï tiŋ wēn reer yïn ɳaap cök? Yïn abï kädit kök wär ē kakkä tiŋ!” ⁵¹ Ku ben mat thïn, “Wet yic alek we, wek aabi nhial tiŋ ke liep rot, ku atuuc Nhialic aa bäk tiŋ ke bö piny tēnē Manh Raan ku lek nhial.”

^b1:21 Raan kák Nhialic tiŋ bï tuöl, bï ben Raan cï loc ku doc ben lueel. Tiŋ L.rou 18:15, 18; Mt 4:5

Yan thiëek pan Kana

2¹ Nîn kadiäk cök ciëen, ke ruäai loi gen Kana pan Galilia. Ku man Jethu ë tö thîn, ² ku Jethu ëci cööl yai yic aya kek kocken ye buoöth. ³ Nawën la möu thök, ke lëk man ye, “Möu aci liu tënë ke.” ⁴ Go Jethu lueel, “Tiñë, yin aci kē luoci dhil lek ya. Akäldie aḡot kēc yēēt.” ⁵ Go man lek koc luoci, “Luocikē kāk bī lek we ebën.”

⁶ Ku tōnydit kadātem aake cāp koc lōm. Tōnykā aake ye ke piū tāāu thîn bī koc kecök aa look, cit te ye lōḡ ciëḡ koc Itharel ye nyuoöth thîn. Ku tōöny tök ë jot te cit ten aduök thiär-rou, tedë aduök thiärdiäk. ⁷ Go Jethu lek koc luoci, “Thiänkē tōnykā piū.” Gokē tōny thiöḡ abik thook alic. ⁸ Ku jol Jethu lek ke, “Gemkē ye tōnykā yiic, ku gämke ke raan yen wun ruäai.” Gokē looi këya, ⁹ ku jol raandit koc athiek awën piū thiëp, piū ci waar bī ya möu. Ku akuc te bī möu thîn, aa koc luoci wën thiöḡ tōny kek aa ḡic ye. Go raandit koc athiek wun nya cööl, ¹⁰ ku lëk ye, “Raan ebën ë muön path kaḡ gam tueḡ, ku na ci koc jäl kueth ke muön lir aḡol lök gam. Ku yin ci muön path waan ciëen agut emën.” ¹¹ Kënë yen ë këdit jāḡ göi ci Jethu kaḡ looi gen Kana pan Galilia. Ku yen aci dietde nyuoöth, ku aaci kocken ye buoöth jäl gam.

¹² Nawën ë kënë cök, ke Jethu la Kapernaum kek man ku wēt wun ku kocken ye buoöth, ku rēerkē thîn ë tēen nîn lik.

Jethu aci la luḡ Nhalic

(Mt 21:12-13; Mk 11:15-17; Lk 19:45-46)

¹³ Yon ci Yan Ayum cīn yic luoci jäl thiök, ke Jethu la Jeruthalem. ¹⁴ Ku jol ler kal luḡ Nhalic yic, ke yök koc ke ḡoc wei thîn ë yök ku amel ku jol aa kuör. Ku koc wēu waar yiic aake ci nyuc thîn aya. ¹⁵ Go waat nai ë wien, ku cop koc wei kal luḡ Nhalic yic kek yäkken ku thäkken ku weer wēu wei, ku wel agenken yiic. ¹⁶ Ku lëk koc kuör yaac wei, “Nyaaikē kākē ä ten, ku duökkē yon Wä col aye yon ḡoc.” ¹⁷ Go kocken ye buoöth wël ci göt athör theer wël Nhalic yic tak. Wël ye lueel ëlä, “Yin Nhalic, nhier yöndu adēp ḡapuöu cimën mac.”

¹⁸ Go kocdit Itharel ben ku thiëckē, “Ye këdit jāḡ göi yindē ba looi ba nyuoöth ḡo, lon le yin yic ba këcit kënë looi?”

¹⁹ Go Jethu beer ku lëk ke, “Rackē luḡ Nhalic kënë, ku aba ben looi nîn kadiäk.” ²⁰ Gokē lueel, “Aci ruöön thiärḡuan ku dātem nöc bī jäl thök, ku luel ka ba looi nîn kadiäk yiic?” ²¹ Ku luḡ Nhalic jieem Jethu ë guäpde. ²² Ku na wäär la jot raḡ yic, ke kocken ye buoöth tak kēwäär ci lueel. Ku gamkē wël theer Nhalic ci göt, ku wël ci Jethu lek koc. ²³ Tewäär rēer yen Jeruthalem yai yic, ke koc juëc gam wetde wën tiḡ kek kākken jāḡ göi ci looi. ²⁴ Ku aake ḡic Jethu ebën ku yen akēc rot nyuoöth ke. ²⁵ Ku acin kën nadē ke wic raan det bī ye nyuoöth koc, rin aḡic kāk tö raan puöu.

Jethu ku Nikodemo

3¹ Raan akut Parathī col Nikodemo, ku ë ye raandit koc Itharel ë tö thîn, ² nayon aköu wēer tök ke la tënë Jethu ku lueel, “Raan piöoc, aḡicku yin ë raan piöoc ci Nhalic tooc. Rin acin raan loi kāk jāḡ göi cimën yin, te liu Nhalic kek ye.”

³ Go Jethu beer, “Yin alek yic, acin raan bī bäāny Nhalic tiḡ, te cīi ye ben dhiëeth dhiën det.”

⁴ Go Nikodemo lueel, “Bī raan ben dhiëeth këdē? Lēu bī dhuk man yäc bī jäl ben dhiëeth?”

⁵ Go Jethu beer, “Wet yic alek yī, raan kēc ben dhiëeth ë piū ku Wēi Nhalic, aci bäāny Nhalic bī yök.

⁶ Raan aye dhiëeth koc ë path, ku Wēi Nhalic ë pīr yam ye Nhalic gäm koc. ⁷ Duk ye gäi te lëk yen yī, lon dhil we ben dhiëeth. ⁸ Wēi Nhalic acit mēn dhie ye raan yom piḡ ke wuu, ku cīi te bīi yen thîn ku te le yen thîn ḡic. Yen ë ten koc bī ben dhiëeth Wēi Nhalic.” ⁹ Go Nikodemo thiëc, “Bī kënë rot lēu këdē?”

¹⁰ Go Jethu lek ye, “Yin ë raan piöoc koc pan Itharel ku kuc kënë! ¹¹ Wet yic alek yī, ḡoc aa jam kāk ḡicku ku luelku kāk cuk tiḡ. Ku ḡot we jei bāk wetda cīi gam. ¹² Na cāk wetdie gam te jieem yen kāk pinyhom, ke we bī wetdie gam këdē te jieem yen tënë we kāk Nhalic? ¹³ Acin raan cīi kaḡ la nhial bī kāk Nhalic beei, ee raan bö nhial Manh Raan bö piny nhial.”

¹⁴ Cimën wäär ci Mothith luḡ wēeth cit këpiiny jat nhial roor bī yen koc ci këpiiny cam aa döc, ke Manh Raan adhil yäth nhial, ¹⁵ rin bī raan gam wetde ebën pīr akölrüëc ebën yök. ¹⁶ Nhalic anhiar koc pinyhom apei. Yen aḡem yen Wēnden juöl, bī raan ebën wetde gam cīi mär, ku pürkē akölrüëc ebën. ¹⁷ Ku Nhalic akēc Wēnde tuöc piny bī koc ben luök wei, ee rin bī thāi pinyhom pīr ë rienke.

¹⁸ Raan gam wetde aciï bi luök wei, ku raan ci jai bi wet ciï gam aci luök wei, rin kéc yen wet Wën tööñ ë Nhialic gam. ¹⁹ Ku kën bi ke luök wei akin, ruel aci ben pinynhom ku koc aa nhia muöth ten ruel rin aa luui kärec.

²⁰ Raan ebën kärec looi ë ruel maan ku ciï la yer yic, rin ciï yen kärec ye looi wic bi ke njic. ²¹ Ku raan luui käpath ë ben yer yic bi luöide nyuöth, rin ci ke luöi Nhialic.

Joon aci ben jam rin Jethu

²² Nawën ke Jethu kek kocken ye buöth la pan Judia, ku rëer thin ke ke, ku muöc koc nhiiim piu. ²³ Ku Joon ë ye koc muöc nhiiim aya te col Aenon thiäak kek Thalim la yic piu juéc. Ku koc aake ye la bi ke la muöc nhiiim. ²⁴ (Ku Joon ë jot kéc guo mac.)

²⁵ Nawën ke koc Joon buöth kök jol teer kek raan Itharel rin lök ye koc kegup lök, ²⁶ gokë la tënë Joon ku luelkë, “Raan piöoc, lëu ba mony wäär reer kek yi wär Jordan alontui tak, raan ye yin jam ë rienke? Yen amuoc koc nhiiim emën, ku koc juéc aala tënë ye!”

²⁷ Go Joon beer, “Acin te bi raan kedänj yok te kéc Nhialic ye gam ye. ²⁸ Week wepec acäk piñ ke lek we ëlä, ‘Yen acie Raan ci loc ku doc, ku yen aci tuöc tueñ ë path yenhom.’ ²⁹ Raan thiék yen ë raan bi gam nya, ku mathde ë köc ku ë puöu miet te piñ yen röldë. Yen ë miet piändie aya emën. ³⁰ Yen abi dhiel dit apei ku yen abi kuur.”

³¹ Raan bö nhial adit tënë koc ebën, ku raan piiny ë kën piny. Raan bö nhial atö koc nhiiim tueñ ebën. ³² Ee koc lek käk ci tiñ ku käk ci piñ, ku acin raan wetde gam. ³³ Ku raan ci gam, aci gam lon ye Nhialic yic lueel. ³⁴ Raan ci Nhialic tooc yen ë jam wël Nhialic, rin aye Nhialic gam riel Weike ebën. ³⁵ Wun ë Wënde nhiaar ku teeu këriëc ebën yecin. ³⁶ Raan gam wet Wën ë Nhialic abi pir akölrüëc ebën, ku raan ciï wet Wën Nhialic bi gam aciï pir akölrüëc ebën bi yok, rin acin kë bi riäak puöu ë Nhialic nyaai tënë ye.

Jethu ku tiñ pan Thamararia

4 ¹ Nawën ke njic Jethu lon ci koc akut Parathi ye piñ, lon nadë ke koc aa ben tënë ye bi ke ben muöc nhiiim, ku lon ci yen la koc juéc ye buöth wär koc Joon buöth. ² (Ku acie yen ye koc muöc nhiiim, aa kocken ye buöth.) ³ Nawën piñ wet ye lueel, go jal pan Judia ku dhuk Galilia. ⁴ Ku ë bi dhiel yet pan Thamararia rin yen ë dhël tääk yen thin.

⁵ Go yet pan Thamararia col Thikar thiäak ke piny wäär ci Jakop gam wënde Jothep. ⁶ Ku yinh ci Jakop col awec ë tö thin. Nawën ci Jethu dak ë cäth, go nyuc yith lööm. Ku ë ye aköl ciel yic.

⁷ Go tiñ pan Thamararia ben yiith bi ben gem piu, go Jethu lek ye, “Muoc yen piu ba dek.” ⁸ (Ku kocken ye buöth aake ci la geuu bik la yuoc mieth.)

⁹ Go tiñ pan Thamararia lek ye, “Kedë wën? Yin ë raan Itharel ku thiéc ya, yen raan Thamararia ba yi muoc ë piu?” (Koc Itharel aake cie dek kek koc Thamararia.)

¹⁰ Go Jethu beer, “Na yi njic mioc Nhialic ku raan thiéc yi piu nuöt aca thiëc, ku nuöt aci muoc piu pir.”

¹¹ Go tik lueel, “Beny, yin acin kë gem yin piu, ku yith amec yic, ba piu pir yok tenen? ¹² Ye yin dit tënë wädit Jakop raan ci yo gam yinh kënë, ku dek thin yen ye nom kek miethke ku yäkke?”

¹³ Go Jethu beer, “Kuat raan dek piukä abi rou ben nöc, ¹⁴ ku raan bi dek piu ba yiék ye aciï rou bi ben nöc, ku piu bi yiék ye aabi ya dhiam a yeyic ye piu pir kuër thin, ku yik ye pir alanden.”

¹⁵ Go tik lek ye, “Beny, yiék yen piukä bi rou ya ciï ben nöc, ba ciï ben ben ten ba ben gem piu.” ¹⁶ Go Jethu lek ye, “Loo col muonydu bak ben ten.”

¹⁷ Go tik lueel, “Yen acin moc.” Go Jethu beer, “Këdu ë yic, lon cin yin moc. ¹⁸ Yin aci kañ rëer kek röör kadhiëc, ku mony reer kek yi emën acie muonydu. Yin aci yic lueel.”

¹⁹ Go tik lueel, “Beny aca njic, yin ë raan käk Nhialic tiñ. ²⁰ Warkuan theer pan Thamararia aake ye Nhialic door ë gon kënë nom, ku ayakë lueel wek koc Itharel lon dhil yok Nhialic la door Jeruthalem.”

²¹ Go Jethu lueel, “Gam wetdie, yin tiñ te bi wek Wä door aci thiök, ku acie gon kënë nom ku acie Jeruthalem. ²² Wek koc Thamararia wek kuc raan yakë door, ku yok koc Itharel yok aa njic raan yeku door rin pir abö tënë Itharel. ²³ Ku aköl ajol ben, ku aci guo ben emën guöp, te bi riel Wëi Nhialic koc col aa dor Wä cimënde, kek aa koc wic Wä bik ye door. ²⁴ Nhialic ë Wëi, ku rin riel Weike yen alëu ye bi door cimënde.”

²⁵ Go tik ben lek ye, “Anjiec lon bi Raan ci loc ku doc ben. Na le ben ka bi yo nyuöth këriëc ebën.”

²⁶ Go Jethu beer, “Yen ë yen, raan jam kek yi.”

²⁷ Ku kaamthiin wën jieem kek, ke kacken ye buoöth bö ku geikë apei rin jieem yen kek tik. Ku acin raan tök kamken cī tik thiëc, “Yeñö wïc, ku yeñö jieem yen kek ye?”

²⁸ Go tik tönyden piü nyääñ piny, ku ket ke dhuk geeu ku lëk kóc.

²⁹ “Bäk tienkë mony cä lek keriëc ebën ca looi. Nadë ke ye Raan cī loc ku doc?” ³⁰ Gokë ben bei geeu bik la tënë Jethu.

³¹ Ku kaamthiin wën, ke lëk kacken ye buoöth ye, “Raan piöoc, jöl mith.”

³² Go beer, “Yen ala miëth, cīn kē njieckë thīn.”

³³ Go kacken ye buoöth röt jal aa thiëc kamken, “Tedë le raan cī miëth beei tënë ye?”

³⁴ Go Jethu lek ke, “Miëthdie ee lön ba wet raan toc yen looi, ku thääp luoi cī gäm ya. ³⁵ Cäk kääñ ye lueel dhie ëlä, ‘Pei kañuan aņoot ku rap abī tem.’ Ku alek we, jatkë wenyin bäk dum tiñ, yemën rap aaci luok ku apath bi ke tem! ³⁶ Raan rap tem aye riop ku ë köth pīr tem alanden, këya raan cumcum ku raan tēmtēm aabi puöth miet kedhie. ³⁷ Kääñ aci ya yic. ‘Raan tök ë com ku tēm raan det.’ ³⁸ Wek tuoc bäk rap la tem dom yic ku ë dom këc wek luui thīn. Kóc kök aaci luui thīn ku wek aa röt kony luoiden.”

³⁹ Go kóc juëc Thamaria ë gen wën yic wet Jethu gam, rin cī tik wet lueel ëlä, “Keriëc ebën ca looi aci lek ya.” ⁴⁰ Nawën bö kóc Thamaria tënë ye ke läñkë bi rëer ke ke. Go Jethu nin karou nöck thīn teen.

⁴¹ Go kóc kök juëc wetde jäl gam rin wël ye lek ke, ⁴² ku lëkkë tik, “Emën, yok aaci wet jäl gam, ku akëcku gam rin wëlkun ca lueel, ku ë rin cī yok wetde piñ ku njicku lön ë yen Aluañ kóc pinyhom ebën alanden.”

Jethu aci manh beny kony

⁴³ Nawën cī nin karou nöck thīn teen, ke Jethu jöl jäl ku ler loñ Galilia. ⁴⁴ Rin yen Jethu guöp ëci lueel lön, “Raan käk Nhialic tiñ acie theek wuönden.” ⁴⁵ Nawën yeet Galilia ke lor apei, rin wäär cī kek käk cī Jethu looi yai yic tiñ, wäär cī kek la Yan Ayum cīn yic luou yic Jeruthalem.

⁴⁶ Go Jethu ben dhuk gen Kana tö Galilia, tewäär cī yen piü waar thīn bi ya muön abiëc. Ku raandit kam kóc mac baai cī manhde tuaany Kapernaum ë tö thīn. ⁴⁷ Nawën piñ lön cī Jethu jäl Judia ku ben dhuk Galilia, ke la tënë ye ku leñ bi la Kapernaum bi manhden cī thiök ke thou kony bi pial. ⁴⁸ Go Jethu lek ye, “Acin raan bi ye gam kamkun te këc wek kit ku kädit jän göi tiñ.”

⁴⁹ Go raandit awën beer ku lueel, “Beny, bäär lokku ba manhdie dööt.” ⁵⁰ Go Jethu lek ye, “Lor, manhdu abi pīr.” Go mony wën wet Jethu gam ku jiël. ⁵¹ Wën cieth yen dhël yic, ke räm kek kacken luoi ku luelkë, “Manhdu aci yör.”

⁵² Go ke thiëc aköl alon jöl manhde ñueen. Gokë lueel, “Waraköl täañ aköl yen ë jiël juäi yeguöp.” ⁵³ Go wun njic lön ë yen aköl alon wäär cī Jethu ye lek ye ëlä, “Manhdu abi pīr.” Ku jöl wet Jethu gam kek kacke ebën.

⁵⁴ Kënë, yen aye kädit jän göi cī Jethu looi rou, wäär le yen dhuk Judia ku ler Galilia.

Raan tuany ruöön 38 aci kony

5 ¹ Nawën ke yan kóc Itharel ë tö thīn, go Jethu la Jeruthalem yai yic. ² Ku tethiäak kek te col Kal Amel Thok, pul ë tö thīn, pul col Bethaida thon kóc Itharel. ³ Ku kóc juëc tuany aake ye töc thīn, kóc cī cor ku kóc cī njol ku kóc cī duany. Ku keek aake ye piü tiit bik la tiaktiak, ⁴ rin atuny Nhialic ë ye ben pul yic, ku col piü ala tiaktiak, ku raan cī kañ la wūr te cī piü röt tiak, ke kony kuat tueny tö yeguöp. ⁵ Ku raan tuany ruöön thiardiäk ku bet ë tö thīn. ⁶ Nawën tiñ Jethu puok yic ke cī töc, ku anic lön cī ye tuaany run juëc, go thiëc, “Wic ba pial?”

⁷ Go raan tuany beer, “Beny, acin raandien tö ten bi ya yäth wūr te tiak piü röt thīn, rin na them ba la thīn, ke raan det ë kañ wer thīn.”

⁸ Go Jethu lek ye, “Jot rot ku löm biöñdu ku cathë.” ⁹ Go raan wën guo pial ku kueny biöñde ku cieth. Ku aköl looi kën rot ë ye aköl cii kóc Itharel ye luui, ¹⁰ go kóc Itharel lek mony cī kony, “Yaköl, aköl cii kóc ye luui, ku akëc puöl tënë yi ba biöñdu ket.”

¹¹ Go beer, “Acī raan cä kony ba pial lek ya ëlä, ‘Löm biöñdu ku cathë.’ ”

¹² Gokë thiëc, “Yeña yen raan cī lek, ‘Löm biöñdu ku cathë?’ ”

¹³ Ku raan cī kony ë kuc raan kony ye, rin kóc juëc aake tö ë tewën ku Jethu ëci la lieplän wei.

¹⁴ Nawën ke yok Jethu luañ Nhialic, go lek ye, “Tiñ yin aci pial emën, päl adumuööm, tedet ke këdet rac apei abi röt ben luoi yi.”

¹⁵ Go mony wën jäl ku le lek bäny Itharel lön ë Jethu yen aci ye kony bi pial. ¹⁶ Gokë jock bik Jethu aa jöör rin ci yen raan kony aköl ci koc ye luui. ¹⁷ Go Jethu beer tënë ke ëlä, “Wä ë luui akölaköl, ku yen adhil luui aya.”

¹⁸ Ku jam kënë aci bäny Itharel rac puöth apei, ku wickë bik nöck, ku acie rin ci yen löh aköl ci koc ye luui thöj rot, ee rin ci yen ye lueel lön ye Nhialic Wun, ku këya aci rot looi bi thöj kek Nhialic.

¹⁹ Go Jethu jal beer, “Wet yic alek we, acin kë ye Wät looi piände ë rot, kë ye looi ë tök, ee kë ci tiñ kë ye Wun looi. Ku kë ye Wun looi aye Wënde looi aya. ²⁰ Rin Wun ë Wënde nhiaar, ku nyuth këriëc ye looi. Ku kädit tënë këwën aabi nyuöth ye, ku wek aabi jal gai ëbën. ²¹ Cimën ye Wun koc ci thou jot ku yik ke pir, ke Wënde aya ë pir yiëk koc wic ye. ²² Wun guöp acin raan ye luök wei. Ku aci Wënde yiëk riel bi looi tënë ke ëbën. ²³ Rin bi koc ëbën Wënde theek cimën ye kek Wun theek. Kuat raan cie Wënde ye theek, acie Wun ye theek raan toc ye.

²⁴ “Wet yic alek we, raan piñ wetdie, ku gem wet raan toc ya pir akölrüëc ëbën atö tënë ye. Aci bi luök wei, yeen aci jäl thou yic ku yök pir. ²⁵ Wek aa lek yic, aköl bi ben, ku aci guo ben te bi koc ci thou röl Wën Nhialic piñ, ku koc bi ye piñ aabi pir. ²⁶ Cimën ye pir ben bei tënë Wun, këya, yeen aci Wënde looi bi ya te ye pir ben bei thin aya. ²⁷ Ku yeen aci Wënde yiëk riel bi luk looi tënë koc, rin ye yen Manh Raan. ²⁸ Duökkë gei ë wet kënë, aköl bi koc ci thou röldë piñ reñ yiic abö, ²⁹ ku keek aabi ben bei ranjen yiic, koc ci njec luui apath aabi röt jot ku aabi pir, ku koc ci luui karec aabi röt jot ku aabi luök wei.

³⁰ “Acin kë leu ba looi piändie ë rot, yen ë wet teem kecit kë ci Nhialic lek ya, këya wet ca teem ala cök rin acie wet piändie yen wiëc ba looi, ee wet wic raan toc ya ë rot.

³¹ “Na jaam ë rienkie ke kë lueel acie gam ciet ye yic. ³² Ku raan det jam ë rienkie atö thin, ku anjec lön kë ye lueel rienkie ë yic. ³³ Atuc aa cak tuoc tënë Joon ku yeen aci wet yic lueel. ³⁴ Acie lön bi yen la raan jam ë rienkie, aya lueel yen kënë rin bi wek pir. ³⁵ Joon ë ye këcit mermer dep ku mer piny, ku week ë yakë wic kaam thin-nyoot bak puöth miet thin ruelde. ³⁶ Ku raan jam ë rienkie atö thin, ku wetde aril tënë wet ci Joon lueel ë rienkie luoi ya ke looi, luoi ci Wä yiëk ya ba ke looi, keek aa jam ë rienkie ku nyoothkë lön ci Wä ya tooc. ³⁷ Ku Wä aya, raan toc ya, yen ajam ë rienkie aya. Wek aa këc röldë kañ piñ ku akëckë kañ tiñ, ³⁸ ku wet ci lueel acäk ye muk wepuöth, rin ci wek wet raan ci tooc ye gam.

³⁹ “Athör Nhialic ayakë kuen, rin ye wek ye tak lön bak pir akölrüëc yök thin. Ku keek aya aa jam ë rienkie! ⁴⁰ Ku jot cak wic bak ben tënë ya bak pir yök thin.

⁴¹ “Acä wic bi koc ya leec. ⁴² Ku wek njec, ku anjec lön töu nhier Nhialic wepuöth. ⁴³ Yen aci ben kek riel ë Wä, ku kueckë bak ya lor, ku na bö raan det kek rielde ë rot ke yen abäk lor. ⁴⁴ Anhiarkë bak lec yök tënë raan det, ku acäk ye them bak lec yök tënë Nhialic, ye këdë yen bi wek ya gam? ⁴⁵ Ku emën duökkë tak lön bi yen we luom tënë Wä. Mothith guöp yen abi we luom, ku ë Mothith yen acäk njöth wepuöth. ⁴⁶ Na we ci Mothith gam alanden, ke wek jot we gam ya aya, rin ci yen wël göt ë rienkie. ⁴⁷ Ku rin ye wek kuc gam wël ci göt, ke leukë këdë bak wël ca lek we gam?”

Jethu aci miëth koor juak bi koc juëc cam

(Mt 14:13-21; Mk 6:30-44; Lk 9:10-17)

6 ¹ Ye teen ke Jethu tem wär Galilia col Tiberia aya. ² Go koc juëc buoöth rin ci kek kädit jän göi, ci yen koc tuany kony tiñ. ³ Go Jethu la got nhom ku nyuuc kek kocken ye buoöth. ⁴ Ku yan koc Itharel, Yan Ayum cin yic luou ëci thiök. ⁵ Nawën ciëth Jethu piny ke tiñ koc juëc ke bö tënë ye, go Pilipo thiëc, “Ye teno bi yok miëth kueth koc ëbën yoc thin?” ⁶ Aci kënë lueel ku bi Pilipo them, rin njic yen kë bi looi.

⁷ Go Pilipo beer, “Rin bi raan tök ayum thin-nyoot yök, ka wic wëu juëc apei bi ayuöp yoc.” ⁸ Go Andria, menh Thaimon Piter, ku ë ye raan tök kam kocken ye buoöth lueel, ⁹ “Dhök atö thin ten ke muk ayuöp kadhiëc ku rec karou, ku aaci kocë ëbën bi lëu.”

¹⁰ Go Jethu lek ke, “Calkë koc anyuc piiny.” (Ku noon ë dit thin ë teen. Go koc nyuc ëbën piiny.) Ku röör kepec aake ye tecit ten tiim kadhiëc. ¹¹ Go Jethu ayuöp lööm ku leec Nhialic, ku tek ke tënë koc wën ci nyuc ëbën. Ku ben looi këya kek rec, bi raan ëbën kueth cit te wic. ¹² Wën ci kek kueth ëbën, ke lek kocken ye buoöth, “Kuanykë abek ci dön piny, bi cien kë riäk.” ¹³ Gokë ke kuany ëbën, ku thiöjkë gac thiäar ku rou abek ayuöp ci dön piny, tënë ayuöp kadhiëc wën ci ke tek koc bik cam.

¹⁴ Nawën tiñ koc wën luoi ril ci Jethu looi ke luelkë, “Kënë ë raan käk Nhialic tiñ yen bi dhiel ben pinynhom.” ¹⁵ Go Jethu jäl njic lön bi kek ben bik ye ben dom riel, ku loikë bi ya benyjaknhom, go ben dhuk gat nhim ë rot.

Jethu aci cath piu nhiim

(Mt 14:22-33; Mk 6:45-52)

¹⁶ Nawën cī piny cuol, ke kocken ye buoθh la piny wār thok, ¹⁷ ku lek riäi yic, ku dhukkë ciëen wār alon̄tui lon̄ Kapernaum. Nawën ke weer jol yic dīt ke Jethu ɲot kēc ben tēnē ke. ¹⁸ Kaam wën ke yomdīt jot rot ku loi atiaktiak rot apei. ¹⁹ Ku kocken ye buoθh, aake ye tecit meel kadiäk ayi ɲuan wën tiɲ kek Jethu ke cath piu nhiim, ke bö tethiök kek riäi, gokë riöc apei, ²⁰ Go Jethu lek ke, “Duökkë riöc, ee ɲen.” ²¹ Gokë jat riäi yic, ku go riäi guo ɲet wār thok tewën le kek thīn.

Koc aa wic Jethu

²² Nayon nhiäk ke tiɲ koc ke cī döɲ wār alon̄tui, lon̄ ë yen riän tökaliɲ yen aci döɲ. Ku anickë lon̄ kēc Jethu la riäi yic kek kocken ye buoθh, ku aake cī jäl ë röt. ²³ Go riëth kök ke bö Tiberia ben wār thok tethiäk ke tewäär ciem koc juēc ayup thīn, wën cī Beny lec gam. ²⁴ Nawën tiɲkë lon̄ liu Jethu thīn, ku liu kocken ye buoθh aya, gokë keec riäth yiic ku lek Kapernaum bik Jethu la wic.

Jethu ayum ë pīr

²⁵ Nawën lek Jethu yök wār alon̄tui ke lëkkë ye, “Raan piöc, ye nen bi yin ë ten?” ²⁶ Go Jethu beer, “Wet yic alek we, wek aa wic ɲa rin cī wek ayup cam tecit te wicckë, ku acie rin cī wek luokien ril deet yiic. ²⁷ Duökkë lui rin miëth riäk, luöökë rin miëth reer rin pīr akölrüec ebën. Miëth kënë abi Manh Raan yiäk we rin Wun, Nhialic aci rielde gam ye ku tooc.”

²⁸ Gokë thiëc, “Buk ɲo looi buk luoi wic Nhialic looi?”

²⁹ Go Jethu beer, “Luoi wic Nhialic bäk looi akīn, ë lon̄ bäk wet raan cī tuöc gam.”

³⁰ Gokë lueel, “Ye kin riel ɲo ba looi buk tiɲ ku buk wetdu gam? Yeɲo ba looi? ³¹ Wärkuan theer aacä ayum löny nhial cam roor, cimën cī ye göt athör theer wël Nhialic yiic ëlä, ‘Ayum nhial aci yiäk ke bik cam.’ ”

³² Go Jethu lueel, “Wet yic alek we, kē cī Mothith yiäk we acie ayum pan nhial, ee Wä yen ë we yiäk ayum yic bö pan nhial. ³³ Rin ayum ye Nhialic gam ë yen raan bö piny pan nhial, ku yik thäi pinyhom pīr.”

³⁴ Gokë thiëc, “Beny, muoc ɲo ayum kënë akölaköl.”

³⁵ Go Jethu lek ke, “Yen ayum ë pīr,” Ku raan bö tēnē ɲa aci cök bi kaɲ nöc, “Ku raan gam wetdie aci rou bi nöc. ³⁶ Emën, aca lek we lon̄ cī wek ɲa tiɲ, ku aɲot keckë gam. ³⁷ Raan ebën cī Wä yiäk ɲa, yen abi ben tēnē ɲa. Ku raan bi ben tēnē ɲa acä bi cuop wei, ³⁸ rin cī yen ben pan nhial ba wet raan toc ɲa ben looi, ku acie wet piändie. ³⁹ Kē wic raan toc ɲa ba looi akīn, bi cien kē mär kam käk cī yiäk ɲa, ku ba ke jot ebën aköl ciëen. ⁴⁰ Rin kē wic Wä akīn, lon̄ raan ebën tiɲ Wände ku gem wetde, abi pīr akölrüec ebën yök thīn, ku keek aaba jot bik pīr ebën aköl ciëen.”

⁴¹ Go koc Itharel luööp guöp rin cī yen ye lueel ëlä, “Yen ayum cī ben piny pan nhial.” ⁴² Ku luelkë, “Monyë cie Jethu wën Jotheɲ? Wun ku man aa ɲicku. Ku yeɲo ye yen ye lueel lon̄ cī yen ben piny pan nhial?”

⁴³ Go Jethu beer, “Duökkë lum kamkun. ⁴⁴ Acin raan lëu ye bi ben tēnē ɲa te kēc Wä ë toc ɲa ye thel ɲen, ku aba jot bi pīr aköl ciëen. ⁴⁵ Acī koc käk Nhialic tiɲ göt ëlä, ‘Koc ebën aabi Nhialic ke piöc.’ Raan ebën piɲ wet Wä ku piöc tēnē ye ë ben tēnē ɲa. ⁴⁶ Ku acie rin nadë yen raan cī Wä kaɲ tiɲ, raan bö tēnē Nhialic, yeen ë rot, yen ë raan cī Wä kaɲ tiɲ. ⁴⁷ Wet yic alek we, raan gam wet ala pīr alanden. ⁴⁸ Yen ayum ë pīr. ⁴⁹ Wärkun theer aacä ayum löny nhial cam roor ku aaci thou. ⁵⁰ Ku ayum bö piny pan nhial, yen acit kën na ciem raan ka cie ben thou. ⁵¹ Yen ayum ë pīr cī ben piny pan nhial. Raan cam ayum kënë, ka pīr akölrüec ebën. Ayum yen ba yiäk ye ë riëndie ya gam bi koc ebën pīr.”

⁵² Go koc Itharel teer apei kamken, ku thiëckë, “Lëu mony kënë kädë, bi riëndie yiäk ɲo buk cuet?”

⁵³ Go Jethu beer, “Wet yic alek we, te cī wek Manh Raan cuet ku dekkë riemdie ka cīn pīr bäk yök weikun yiic. ⁵⁴ Raan cuet riëndie ku dek riemdie ala pīr alanden, ku abi jot aköl ciëen bi pīr. ⁵⁵ Rin riëndie ë miëth alanden, ku riemdie ë këdek alanden. ⁵⁶ Raan cuet riëndie ku dek riemdie abi pīr ɲayic, ku ɲen abi pīr yeyic. ⁵⁷ Wä pīr acä tooc, ku ë rin rienke yen abi ɲen aya, ku këya raan cuet ɲen abi pīr ë rienkie. ⁵⁸ Ku yen kin ayum bö piny pan nhial, aci thöɲ kek ayum cī wärkun theer cam ku lökkë thou. Raan cam ayum kënë abi pīr akölrüec ebën.”

⁵⁹ Wëlkä aaci Jethu lueel wäär piöc yen koc ten amat Kapernaum.

Wël pîr akölrîëc

⁶⁰Nawën piŋ kôc juëc ye buōth wëlkä, ke luelkë, “Piöoc kënë aril apeï. Yeŋa lëu bi ke piŋ?” ⁶¹Go Jethu ñic lôn jieem kek wël wën, ku lëk ke, “Wieckë bäk jäl rin ë wëlkä?” ⁶²Yeŋö bäk looi te tiŋ wek Manh Raan ke dhuk nhial tewën rëer yen thîn? ⁶³Ee Wëi Nhialic yen ë pîr gam, ku riel raan acin kë ye kony. Wël ca lek we aa wëi ku aa pîr. ⁶⁴Ku këya aciï kôc kôk kamkun ye gam.” (Rin ëci Jethu guo ñic tueŋ lôn ye yîŋa cïï bi gam, ku yeŋa bi ye gaany.) ⁶⁵Ku ben lueel, “Ee rin wet kënë guöp yen alëk ŷen ye we, lôn acin raan lëu ye bi ben tënë ŷa, te këc Wä ye looi bi yic pial tënë ye.”

⁶⁶Ku rin ë wëlkä, ke kôc juëc kam kôc ye buōth dhuk ciëen, ku cik ben cath kek ye. ⁶⁷Go Jethu atuöccke thiäar ku rou thiëc, “Na week, wieckë bäk jäl aya?”

⁶⁸Go Thaimon Pîter beer tënë ye, “Beny, buk la tënë ŋa? Yin ala wël pîr alanden. ⁶⁹Ku ëmën acuk gam ku acuk ñic lôn ë yîn raan dhëŋ bö tënë Nhialic.”

⁷⁰Go Jethu beer, “Cie ŷen ŷa kuany we wathiäar ku rou? Ku raan tök kamkun aŋot ye jöŋrac.” ⁷¹Yeen ë jam rin Judath, wën Thaimon Ithkariöt. Rin Judath, na cök alôn ë yen raan tök kam atuöccke kathiäar ku rou, ka wïc bi ye luom.

Jethu ku wämäthakën

7 ¹Wën ë wëlkä cök ciëen, ke Jethu kueny beei Galilia yiic, ku ë këc wïc bi la keny Judia, rin wïc bäny Itharel tö Judia ye bik nöc. ²Ku yan kôc Itharel cöl Yan Duel ëci thiök. ³Go wämäthakën lek ye, “Jäl ë ten ku loor Judia bi kockun yi buōth luoidun ye looi tiŋ. ⁴Acin raan kë looi thiaan te wïc yen ye bi ñic apath. Rin ye yîn kakkä looi, ke yi cöl kôc pinynhom aa ñic yi.” ⁵Agut wämäthakën aakëc wetde gam, yen aa lueel kek ye këya.

⁶Go Jethu lek ke, “Akäldie guöp aŋot këc ŷëët. Ku na ye we, ke kuat aköl ëbën apath. ⁷Acin te bi kôc pinynhom we maan, ku keek aa man ŷa rin aya lueel, lôn rëec luïken. ⁸Lak yai yic, ku ŷen aciï la ë yan kënë yic, rin aköldien bi ŷen la akëc guo ben.” ⁹Yeen aciï jam këya ku jöl rëer pan Galilia.

Jethu ala Yan Duel yic

¹⁰Nawën ci wämäthakën la yai yic, ke Jethu lök la aya, ku akëc la ke ñic, yeen aciï la ke mony rot.

¹¹Ku bäny Itharel aake wïc Jethu yai yic, ku thiëckë, “Tö monyë tenen?”

¹²Ku aluōp ë dît apeï ë rienke. Aye kôc kôk lueel, “Yeen ë raan path.” Ku lueel kôc kôk, “Acie këya, yeen ë raan kôc duöŋ.” ¹³Ku acin raan ye jam ë rienke kôc nhïim, rin riöc kek bäny Itharel.

¹⁴Wën ci nin abek yai thök, ke Jethu la kal luaŋ Nhialic yic ku jöl kôc piöc. ¹⁵Go bäny Itharel gäi apeï ku luelkë, “Ye raan kënë kãŋ ñic këdë ku akëc kaŋ piöc.”

¹⁶Go Jethu beer, “Wël ya piöc acie welkie aa wël bö bei tënë Nhialic, Aciëŋ ci ŷa tooc. ¹⁷Raan wïc ye bi kë wïc Nhialic looi, abi ñic lôn nadë kë ya piöc abö tënë Nhialic, ku acie riëldie ë rot. ¹⁸Raan jam rielde ë rot ë lec yen aye wïc, ku raan wïc lec tënë raan toc ye, yen ë raan path, ku acin ruëeny tö yepuöu. ¹⁹Këc Mothith löŋ Nhialic nyuöth we? Ku acin raan löŋ theek kamkun. Yeŋö ye wek ye wïc bäk ŷa nöc?”

²⁰Go kôc juëc wën beer, “Yin ala guöp jöŋrac, yeŋa wïc ye bi yi nöc?”

²¹Go Jethu beer, “Këdit jãŋ göi tök aca looi guökë gäi wedhie. ²²Mothith aciï we thon bäk miethkun aa ŋoot, ku acie Mothith guöp yen ci wet kënë jock, aa wärkun theer, ku këya wek a dhök ŋoot aköl cïï kôc ye luui. ²³Ku ëmën na ŋot dhök aköl cïï kôc ye luui rin bi löŋ Mothith cïï dhäl yic, yeŋö ye wek puöth riäak tënë ŷa, rin ci ŷen raan tök kony bi pial aköl cïï kôc ye luui? ²⁴Duökkë raan ye guo tem awuöc wet köu ayeer, yakë raan tem awuöc wet ë yic.”

Ye Jethu raan ci löc ku döc?

²⁵Go kôc kôk Jeruthalem lueel ëlä, “Cie raan kënë yen wickë bik nöc. ²⁶Tienkë! Yen kin jam kôc nhïim, ku acin kë luelkë ë rienke. Tedë, cïï bäny ñic lôn ë yen Raan ci löc ku döc? ²⁷Na la Raan ci löc ku döc ben, ka cin raan bi ye ñic te bi yen thîn, ku aŋicku ëbën yen te bïï mony kënë thîn.”

²⁸Nawën piöc Jethu luaŋ Nhialic ke lueel röldit, “Ee tedë, wek aa ñic ŷa ku aŋieckë yen te bi ŷen thîn. Ku ŷen akëc ben wetdie ë rot, ku yeen raan toc ŷa ala yic ku yeen akuöckë, ²⁹Ku yeen aŋieci rin bi ŷen tënë ye, ku yen acä tooc.”

³⁰Gokë wïc bik döc, ku acin raan ci yecin tääu yeguöp rin këc akälde guo ben. ³¹Go kôc juëc than wën yic wetde gam ku luelkë, “Te bi Raan ci löc ku döc bi këdit jãŋ göi looi cimën ë raan kënë?”

Apuruuk aaci tooc bik Jethu la döm

³² Nawën piñ kóc akut Parathī lön ye kóc juëc wën wëlkä loop kamken rin Jethu, ke keek ku bāny kāk Nhialic toc apuruuk luañ Nhialic tiit bik Jethu la döm. ³³ Go Jethu lueel, “Yen abī rēer kamkun tethin-nyoot, ku yen abī la tēnē raan yen cā tooc. ³⁴ Wek abā wïc, ku wek aaci ya bī yök, rin acin te bī wek la te rēer yen thīn.”

³⁵ Go bāny Itharel lueel kamken, “Bī la dā buk cīi ben yök? Cī bī la geeth Girik yiic te ciëñ kóc Itharel thīn, ku bī kóc Girik piöcc? ³⁶ Aye lueel, wek abā wïc ku wek aaci yen bī yök, ku wek aaci bī la te rēer yen thīn, yeñö wïc bī lueel?”

Kuëer piü ë pīr

³⁷ Aköl ciëen yen aköl dīt nin yai. Akölë, Jethu aci rot jot ku lueel röldīt, “Kuat raan nek rou abī ben tēnē ya ku bī dek. ³⁸ Cīmēn cī ye gōt athör theer wël Nhialic yic ëlä, ‘Raan gam wetdie, kuëer piü ë pīr abī rēer yepuöu.’” ³⁹ Kēnē aci Jethu lueel rin Wēi Nhialic, bī kóc gam wetde lök yök. Ku tenē, Wēi Nhialic a kēc guo gam tēnē kóc, rin kēc Jethu guo la diekde yic.

Kóc aaci keyiic tek

⁴⁰ Kóc kōk kam kóc wën aaci kēnē piñ ku luelkē, “Raan kēnē ë raan kāk Nhialic tiñ alanden!” ⁴¹ Go kóc kōk lueel, “Yen ë Raan cī löc ku döc!” Ku lueel kóc kōk, “Raan cī löc ku döc aaci bī ben pan Galilia! ⁴² Aci gōt athör theer wël Nhialic yic lön Raan cī löc ku döc abī ya raan dhiēnh Debit, ku abī dhiēeth Bethalem, gen wäär ciëñ Debit thīn.”

⁴³ Go kóc wën keyiic tek ë rienke. ⁴⁴ Ku wickē bik döm, ku acin raan cī yecin tääu yeguöp. ⁴⁵ Nawën dhuk apuruuk ciëen tēnē bāny kāk Nhialic ku kóc akut Parathī, gokē ke thiëc, “Yeñö kēc wek ye beei?” ⁴⁶ Go apuruuk beer, “Acin raan cī kañ jam cīmēn ë mony kēnē!” ⁴⁷ Go kóc akut Parathī ke thiëc, “Cī we duöñ aya? ⁴⁸ Le raan tök kam bāny, ayī kam kóc akut Parathī cī wetde gam cāk kañ piñ? ⁴⁹ Kockä aa kuc löñ Mothith, ku aa kóc cī Nhialic läm kērac.” ⁵⁰ Go raan tök kam kóc akut Parathī, raan cī kañ la bī Jethu la tiñ, col Nikodemo lek ke, ⁵¹ “Na ye löñ cieñ panda, ka cīn te bī yök raan luök wei ke këcku kañ piñ thok tueñ, ku ñicku kë cī looi.”

⁵² Gokē beer, “Yiin aya, ye raan Galilia? Kuen athör theer wël Nhialic, ku aba ñic lön acin raan kāk Nhialic ben Galilia.”

[⁵³ Nawën cī raan ëbēn dhuk paande,

Tiñ cī käl piny ke kør

8 ¹ ke Jethu la gøn Olip nom. ² Nayon nhiäk dur yic ke dhuk luañ Nhialic. Go kóc ëbēn guëer yelööm, ku nyuuc piiny ku jock piöcc cök tēnē ke. ³ Go kóc piöcc lööñ ku kóc akut Parathī tik beei, ku ë tiñ cī käl piny ke kør. Ku colkē akäac kóc nhīm ëbēn, ⁴ ku luelkē tēnē Jethu, “Raan piöcc, tiñ kēnē aci käl piny ke kør. ⁵ Mothith aci löñ lek yo athör yic lön kuat tiñ loi këcīt kēnē, adhil biöck aleel bī thou. Na yīn ëmēn, ye lueel këdē?” ⁶ Keek aake jam kēlä bik Jethu deep bik wet yök bik la luom. Go Jethu guñ ku get piny yecin.

⁷ Nawën ñot ke kääc ku yekē thiëc, ke jot yeköu ku lēk ke, “Na le raan kamkun cīn adumuööm cīi kañ looi, ke biök alel tueñ yeguöp.” ⁸ Ku ben guñ ku get piny yecin. ⁹ Nawën cīk wet kēnē piñ, ke jiël ëbēn ke wath röt, ku kōñ kocdīt jäl tueñ, agut te döñ Jethu ë rot, ku tiñ wën ke ñot kääc yenhom. ¹⁰ Go yeköu jot ku lēk ye, “Tökē teno? Cīn raan cīi döñ bī yī luök wei?”

¹¹ Go beer, “Acin raan Beny.” Go Jethu lueel, “Apath, ke yīn acā bī luök wei aya. Lör ku duk adumuööm ben looi.”]c

Jethu ee mermer pinynhom

¹² Go Jethu ben jam tēnē kóc ku lueel, “Yen ë ruel pinynhom, kuat raan buoth ya abī ruel pīr yök, ku aaci bī kañ cath muööth yic.” ¹³ Go kóc akut Parathī lek ye, “Emēn, yīn ajam ë rienku, ku wet ca lueel acin kë ye nyuöoth.”

^c7:53-8:11Athör theer juëc aacie (7:53-8:11) ye mat thīn. Ku athör kōk ee ben Jn 21:24 cök, ku kōk ë Lk 21:38. Ku athör tök ee lök ben Jn 7:36 cök.

¹⁴ Go Jethu beer, “Acie këya, na cök alon jieem yen ë rienkie, ke wet lueel ë yic, rin yen anjic te bii yen thïn. Ku wek aa kuc te bii yen thïn ayi te ler yen thïn. ¹⁵ Wek aa wet teem cimën wet raan, ku yen acin raan ya gäm awuöc. ¹⁶ Ku te bi yen wet teem, ke wet ba teem abi jal a yic, rin acie yen tem wet, Wä ë toc yen areer ke ya. ¹⁷ Wet aci göt löndun yic lon te lueel koc karou wet tök luk yic, ke wetden ë ya yic. ¹⁸ Yen ajam ë rienkie, ku Wä cä tooc ajam ë rienkie aya.”

¹⁹ Gokë thiëc, “Tö Wuur teno?” Go Jethu beer, “Wek aaciï ya njic, ku wek aaciï Wä njic. Na we njic ya, nuöt wek aa njic Wä aya.”

²⁰ Wëlkä ebën aaci Jethu lueel wäär piöoc yen luaj Nhialic, yon ci kækkenajuër töu thïn. Ku acin raan cie dom rin këc akälde guo ben.

Wek aaciï la tedien ler yen thïn

²¹ Go Jethu ben lek ke, “Yen abi jal ku wek abä wic, ku wek aabi thou awäckun yiic. Te le yen thïn, acie yen te bi wek la thïn.”

²² Tewën, ke lueel bäny Itharel, “Aye lueel lon cii yok bi la te le yen thïn. Ye ciet bi rot nöck?”

²³ Go Jethu beer, “Wek aa koc piny ten, ku yen ee raan bö nhial. Wek aa koc piny kënë nom, ku yen acie raan piny nom ten. ²⁴ Ee rin kënë yen aci yen ye lueel lon bi wek thou adumuömkun yiic. Ku wek aabi thou adumuömkun yiic te këc wek ye gam, lon ë Yen tö thïn, yen ë Yen.”

²⁵ Gokë thiëc, “Ye yin na?” Go Jethu beer, “Wet aca lek we tewën jock yen wet cök.^d ²⁶ Yen ala wël juëc ba ke lueel ë rienkun, ku wël juëc bi yen ke we luök wei. Ku raan cä tooc guöp ala yic, ku yen ë koc lek kuat kë ca piñ tënë ye.”

²⁷ Gokë koc deet lon jieem Jethu wet Wun. ²⁸ Go Jethu ben lueel tënë ke, “Aköl bi wek Manh Raan jat nhial, ka bäk jal njic lon, ‘Yen tö thïn Yen ë Yen.’ Ku abäk deet yic aya lon acin kë ya looi ruotdie, ku aa ya ke lueel wël ci Wä piöoc tënë ya. ²⁹ Ku raan cä tooc areer ke ya, ku akëc ya nyään piny yatök, rin ye yen wet nhieer looi akölaköl.”

³⁰ Go koc juëc ci Jethu piñ ke jam ë wëlkä wetde jal gam.

Koc lääu nhïim ku koc alony

³¹ Go Jethu lek koc Itharel ci wetde gam, “Na piengkë wël ca piöoc, ke wek aa kockien buoth ya ayic, ³² ku wek aabi yic njic, ku yic abi we weer bei.”

³³ Gokë beer, “Yok aa koc dhiënh Abaram, ku acin koc kök cii yo kañ loony. Ku na luel, ‘Wek aabi weer bei,’ ke yeñö wic ba lueel?”

³⁴ Go Jethu lek ke, “Yic alek we, raan ebën cä adumuööm looi yen alony adumuööm. ³⁵ Alony acie raan mac thok alanden, ku Wät yen ee raan thïn lanayon. ³⁶ Na ci Wät we weer bei, ke wek aabi rëer ke cin loony alanden.

³⁷ “Anjiec lon ye wek dhiënh Abaram. Ku anjot wieckë bäk ya nöck, rin piöocdie acäk ye gam. ³⁸ Kë ci Wä nyuöth ya yen aya lueel, ku wek aa loi kë ci wärkun lek we.”

³⁹ Gokë beer tënë ye, “Abaram yen ë wäda.” Go Jethu wet dhuk nom ku lueel, “Na we miith Abaram alanden, nuöt wek aa loi këcit kë ci Abaram looi. ⁴⁰ Këriëc ebën ca looi ë rin ba we lek yiny ca piñ tënë Wä, ku anjot wieckë bäk ya nöck. Abaram acin kë ci looi cit kënë! ⁴¹ Wek aa loi kë ci wärkun looi.” Gokë lueel, “Nhialic yetök yen ë Wäda, ku yok aa miethke guöp.”

⁴² Go Jethu beer tënë ke, “Te ye Nhialic wurdun guöp, nuöt wek nhiar ya, rin ci yen ben tënë Nhialic, ku emën yen atö ten. Yen akëc ben wetdie ë rot, ee yen acä tooc. ⁴³ Yeñö cii wek kë ya lueel ye deet yic? Ee rin cii wek ye lëu bäk wetdie piñ. ⁴⁴ Ee jöñrac yen ë wurdun, ku ayakë nhiaar bi ya kë wurdun yen yakë looi. Yen ë raan ë tir tetheer yon, ku akëc yic kañ lueel rin ye yen alueeth, ku ye wun lueth ebën. ⁴⁵ Yen aluel yic, ku rin ë kënë yen akëc wek ya gam. ⁴⁶ Yeña kamkun lëu ye bi awuöc nyooth yaguöp rin adumuööm ca looi? Na lueel yic, ke ye rin nö cii wek ya ye gam? ⁴⁷ Raan bö tënë Nhialic ë wet Nhialic piñ, wek aaciï bö tënë Nhialic, ku yen ë kë cii wek wet bi piñ.”

Jethu ku Abaram

⁴⁸ Go koc Itharel beer tënë Jethu, “Këcku wet yic lueel wën lon ë yin raan pan Thamaria, ku jöñrac atö yiguöp?”

^d8:25Yeñö ben yen jam tënë we.

⁴⁹ Go Jethu beer, “Acin jorrac tö yaguöp, yen ë Wä theek ku wek aa ya dhöl guöp, ⁵⁰ Yen acii lecdie wic. Raan wic ye atö thin, ku ë wet teem bä kony. ⁵¹ Wet yic alek we, raan piñ wetdie acii bi thou akölrüëc ëbën.”

⁵² Go koc Itharel lek yen. “Ëmën, anjicku alanden lön tö jorrac yiguöp. Abaram aci thou, ku koc käk Nhialic tiñ aaci thou aya ku not ye lueel, ‘Raan piñ wetdie acii bi thou akölrüëc ëbën.’ ⁵³ Abaram wäda aci thou, nadë ye lueel lön düt yin tënë Abaram? Ku koc käk Nhialic tiñ aaci thou aya. Ye tak ye yin ë na?”

⁵⁴ Go Jethu beer, “Na ya ci rot leec, nuöt lec kënë acie lec acin. Ee Wä yen ë raan ya leec, ku yeen guöp ayakë lueel ke Nhialicdun. ⁵⁵ Yeen akeckë kañ njic, ku yeen anjiec. Na lueel lön kuc yen ye, ke yen abi ya alueeth cümëndun, ku yeen anjiec, ku yen ë wetde looi puöu ëbën. ⁵⁶ Wuurdun Abaram aci puöu miet apeilön bi yen aköl bendie tiñ, aci tiñ ku aci puöu la yum.” ⁵⁷ Go koc Itharel lek ye, “Yin anot yi këc ruöön thiärdhiëc dööt, ku yin ca Abaram tiñ?” ⁵⁸ Go Jethu beer, “Wet yic alek we, wäär këc Abaram guo dhiëeth, ‘Ke Yen atö thin.’ ” ⁵⁹ Gokë aleel kuany bi kek ye biöök, go Jethu rot thiaan ku jiël yön Nhialic.

Jethu aci raan ci dhiëeth ke ci cöör kony

9 ¹ Tewën cieth Jethu, ke tiñ raan ci dhiëeth ke ci cöör. Go kocken ye buöoth thiëc, ² “Raan piöoc, ye adumuööm ci na looi col ye adhiëth ke ci cöör? Ye adumuöömde aye adumuööm koc ke dhiëth ye?”

³ Go Jethu beer, “Kë ci yen cöör acie rin adumuööm ci looi, ayi rin adumuööm ci koc ke dhiëth ye looi, yeen aci cöör bi riel luoi Nhialic tiñ yeguöp. ⁴ Yok aa dhil la tueñ yo lui luoi raan cä tooc yet te not ruel aköl, waköu abö, ku acin raan bi ye lëu bi luui. ⁵ Yet aköl not yen pinyinhom, ke yen ë ruel tënë koc.”

⁶ Tewën ci yen jam kälä, ke nuut piny ku nueen tiöp luëth, ku röoth tiöp mony wën nyin, ⁷ ku lëk ye, “Löör lök yinyin wär Thiloam.” (Ku wetde yic, “Ci tooc.”) Go mony wën la ku lök yenyin, ku le dhuk ke ye piny tiñ. ⁸ Go koc akeu nhom ku koc ci ye kañ tiñ ke lim thiëc, “Cie mony dhie cool nyuc piiny ke lim kënë?”

⁹ Go koc kök lueel, “Ee yeen guöp.” Ku lueel koc kök, “Acie ye ë raan thöñ kek ye.” Go mony wën nhom lueel, “Ee yen raan wën guöp.”

¹⁰ Gokë thiëc, “Ci rot lëu kädë ba ben daai?”

¹¹ Go beer, “Mony col Jethu aci tiöp nueen ku röoth yanyin ku lëk ya, ‘Löör wär Thiloam ku lök yinyin.’ Guo la, ku kaam wën lök yen yanyin, ke ya tiñ piny nyin yic.”

¹² Gokë thiëc, “Yen ako?” Go beer, “Akuöc.”

Akut Parathï awic wet te ci cöör kuony thin

¹³ Gokë mony wën ci cöör thel tënë koc akut Parathï. ¹⁴ Aköl nueen Jethu tiöp ku röoth raan nyin bi daai, ee ya aköl cii koc ye luui. ¹⁵ Go koc akut Parathï mony wën ben thiëc te ci ye liep nyin thin. Go lek ke, “Yeen aci tiöp tääu yanyin, ku laak yanyin, ku ëmën alëu ba piny tiñ.”

¹⁶ Go koc kök akut Parathï lueel, “Raan ci kënë looi acii lëu bi ben tënë Nhialic, rin aci löñ cii koc ye luui thek.”

Go koc kök lueel, “Lëu kädë bi raan la guöp adumuööm kädit jäñ göi, cit kakkä, looi?” Gokë keyiic tek kamken.

¹⁷ Go koc akut Parathï mony wën ben thiëc, “Yiin ye lueel lön ci yen yi liep nyin apath, ku yin ye lueel ye yen na?” Go beer, “Ee raan käk Nhialic tiñ.”

¹⁸ Ee këc bäny Itharel gam lön ci yen cöör ku ben nyin kuek, agut te bi kek koc ke dhiëth ye cööl, ¹⁹ ku thiëckë ke, “Ye manhdun kënë? Ayakë lueel lön ci ye dhiëeth ke ye cöör, lëu kädë, bi piny tiñ?”

²⁰ Go wun ku man beer, “Anjicku lön ye yen manhda, ku lön ci ye dhiëeth ke ye cöör. ²¹ Ku akucku te ci yen piny jäl tieñ thin, yok aa kuc raan ci ye liep nyin aya. Thiëckë, yeen aci dit ku alëu bi kädë beer ë rot.” ²² Wun ku man aaci jam kälä rin riöc kek bäny Itharel, rin ci kek ye mat lön kuat raan gam Jethu lön ë yen Raan ci löc ku döc, ka dhil cuöp wei ten amat koc Itharel. ²³ Rin kënë, yen ë lueel wun ku man ye ëlä, “Yeen aci dit, thiëckë!”

²⁴ Gokë mony wën ci dhiëeth ke ci cöör ben cööl arak det, ku lëkkë ye, “Kueñ ë Nhialic nhom lön bi yin yic lueel. Anjicku lön mony kënë ë raan adumuööm.”

²⁵ Go mony wën beer, “Akuöc lön ye yen raan la guöp adumuööm, wet yen njiec, yen a ya ye cöör ku ëmën yen ë piny tiñ.”

²⁶ Gokë thiëc, “Yenö ci looi tënë yin? Ci nyienku kuek kädë?”

²⁷ Go beer, “Aca lek we wenthëer, ku acäk ye piñ. Ye rin nö wic wek wet bäk ben piñ? Tedet wieckë aya bäk ya kocken ye buöoth?”

²⁸ Gokë lat ku luelkë, “Yin aci ya raanden ye buõth, yok aa koc Mothith. ²⁹ Anicku lon ci Nhialic jam tënë Mothith, ku na ye monytui, ka cokku kuc aya te bii yen thin!”

³⁰ Go mony wën beer, “Kë gei koc akin! Akuockë te bii yen thin, ku yeen guöp aci nyienkie liep! ³¹ Anicku lon cii Nhialic wet koc adumuööm ye piñ, ku yeen ë wet koc thek ye ku loikë luoiden ci lek ke piñ.

³² Yontheer cek pinyhom akec kañ piñ lon le yen raan ci dhiëeth ke ye cöör ci kuek nyin. ³³ Na cie lon bii raan kënë tënë Nhialic, ka cii lëu bi këcit kënë looi.”

³⁴ Gokë beer, “Yin aci dhiëeth ku muk yi adumuööm yic, ku wic ba yo piöc?” Ku copkë wei tënë amat.

Cöör ë puöu

³⁵ Go Jethu piñ lon ci kek ye cuöp wei. Nawën yok ke lueel, “Ye wet Manh Raan gam?”

³⁶ Go mony wën beer, “Beny, lek ya ye ña, rin ba lëu ba gam.”

³⁷ Go Jethu lek ye, “Yeen aca tiñ, ku yen ë raan jam kek yi ëmën.”

³⁸ Go mony wën lueel, “Beny aca gam.” Ku gut yenhiol piny Jethu nom.

³⁹ Go Jethu lueel, “Yen aci ben pinyhom ten ba wet teem, rin bi cöör piny tiñ, ku bi koc piny tiñ jal cöör.”

⁴⁰ Go koc kök akut Parathi rëer kek ye wël ci lueel piñ ku thiëckë, “Ee ciet wic ba lueel lon ye yok cöör aya?”

⁴¹ Go Jethu beer, “Na we ye cöör ke wek aa cin gup awuöc, ku rin ye wek ye lueel lon ye wek piny tiñ, ke wet kënë aye nyooth lon le wek gup awuöc.”

Kääñ abiöök

10 ¹ Go Jethu lueel, “Wet yic alek we, raan cie tëek kal amel thok, ku lir nom tedet, yeen ë cuär, ku ë raan rum kãñ. ² Ku raan tæk kal thok yen abiöñ amel. ³ Raan tit kal abi kal ñaany thok tënë ye, ku piñ amel röldë te cööl yen amälke ë rienken, ku thel ke ayeer. ⁴ Ku te ci ke yäth ayeer, ka cath tueñ kenhiim ku buõth amel cök rin ñic kek röldë. ⁵ Aacii raan det bi buõth cök, aabi kat ye rin kuc kek röldë.”

⁶ Kääñ kënë aci Jethu thäth ke, ku wet lueel tënë ke akeckë deet yic.

Jethu abiöñ path

⁷ Go Jethu ben lueel, “Wet yic alek we, yen ee kal thok tënë amel. ⁸ Koc kök ëbën ci kañ ben yanhom tueñ, aa cuär ku aa koc rum kãñ, ku rölden akëc amel piñ. ⁹ Yen ë kal thok. Raan bö thin thuonjdie abi luök, yeen abi ben alonthin ku ler ayeer, ku yok wel path. ¹⁰ Cuär ë ben rin bi cuëer, ku nek kãñ ku rec ke. Yen aci ben bik pir yok, pirdit alanden.

¹¹ “Yen abiöñ path. Abiöñ path aye wic bi thou rin amälke. ¹² Raan lui ariöp ku cie raan abiöök ku cie wun amel, ku tiñ gol ke bö, ka päl amel ku ket, bi gol thueet amel yiic ku thiëi ke roor. ¹³ Raan lui ariöp ë kat rin ë raan lui ariöp ë path, ku aliu puöu kegup.

^{14–15} “Yen abiöñ path. Cimën ñic Wä yen ku ñiec Wä, këya yen anic amälkie ku amälkie aa ñic ya. Ku awiëc ba thou ë rienken. ¹⁶ Amel kök aa tö thin ku aa kãkkie ku aa liu thin kal kënë yic. Keek aaba beei aya, ku aabi röldie piñ, ku keek aabi ya luöny tokaliñ kek raan tön biöök ke.

¹⁷ “Wä anhiar ya rin awiëc ba pierdie puöl rin bi yen ye ben yok. ¹⁸ Acin raan bi pierdie nyaai tënë ya. Yeen aya puöl wet piändie ë rot. Yen ala riel ba päl wei, ku yen ala riel ba ben lööm.”

¹⁹ Go koc Itharel keyiic ben tek kamken rin ë wëlkä. ²⁰ Koc juëc kamken aa yekë lueel, “Yeen ala guöp jöñrac! Yeen amuöl! Yenö ye wek welke piñ?”

²¹ Go koc kök lueel, “Lëu raan la guöp jöñrac bi jam cimën yen! Lëu jöñrac këdë bi cöör col akuek yenyin?”

Koc Itharel aa kuc Jethu

²² Aköl looi Yan Döc luañ Nhialic Jeruthalem aci ben, ku piny ë ye mei. ²³ Ku Jethu ë cath puök yic, col puök Tholomon tö luañ Nhialic. ²⁴ Go koc Itharel guëer yelööm ku luelkë, “Yet nen bi yin yo col arëer yo diu puöth? Lek yo yic la gei, ye yin Raan ci loc ku döc?”

²⁵ Go Jethu beer, “Wet aca lek we ku wek aacie wetdie ye gam. Luökien ya looi ë riel Wä, kek ajam ë rienkie. ²⁶ Ku wek aacie wetdie ye gam rin cii wek ye amälkie. ²⁷ Amälkie aa röldie piñ ku keek anjec ku keek aa ya buõth cök. ²⁸ Pir akölrüëc ëbën aya yiëk ke, ku keek aacii bi kañ thou atheer, ku acin raan lëu ye bi ke rum tënë ya. ²⁹ Kë ci Wä yiëk yen awär këriëc ëbën, ku acin raan lëu ye bi ke rum Wä cin. ³⁰ Wä ku yen yok aa tök.”

³¹ Go kɔc Itharel aleel ben kuany bik biöök. ³² Go Jethu lek ke, “Luoi puoth juéc ci Wä yiék yen ba ke looi, aa ca looi wenhüm, ye luoi töŋ nen kamken yen wic wek ye bák ya biöök aleel?”

³³ Go kɔc Itharel beer, “Yin acuk wic buk yi biöök aleel rin luoi path, ku ë rin ye yin Nhialic dɔl guöp. Yin ë raan ë path, ku wic ba rot looi ba ya Nhialic!”

³⁴ Go Jethu beer, “Ací göt löŋdun yic guöp lɔn cī Nhialic ye lueel, ‘Wek aa Nhialic.’ ³⁵ Anjicku lɔn wet cī göt athör wël theer Nhialic yic ë yic alanden, ku kockä acī Nhialic cɔl, ‘Nhialic,’ kɔc cī Nhialic thön wetde. ³⁶ Ku na yen, ke Wä cä cɔl ku tuuc ya pinyinhom, ku ye kädë ye wek ye lueel lɔn cī yen Nhialic dɔl, ye rin cī yen ye lueel lɔn ye yen Wën Nhialic? ³⁷ Duökkë wetdie gam te cī yen luoi Wä loi. ³⁸ Ku na ya ke looi, ku cɔk alɔn cī wek wetdie gam, ke we dhil luoi ke gam, bák njic alanden lɔn Wä arer kek ya ku yen atö Wä yic.”

³⁹ Gokë wic bik dɔm, go ke käl nyin.

⁴⁰ Go Jethu ben dhuk ciëen wär Jordan alɔntui tewäär ye Joon kɔc muoc nhüm thün, ku rëer thün tɛen.

⁴¹ Go kɔc juéc ben tənë ye ku luelkë, “Joon akëc käril looi, ku këriëc ëbën cī lueel rin ë mony kënë aaci ya yith.” ⁴² Ku gam kɔc juéc wetde ë tənë.

Thon Ladhäro

11 ¹ Raan cɔl Ladhäro, ku ë rëer Bethani, ëci tuaany. Bethani ë gen rëer Maria thün kek nyankën cɔl Martha. ² Maria kënë yen ë nyan wäär cī Bányda tɔc cök miök njir, ku wuuny ke nhiëmke. Ku ë menhë Ladhäro yen ëci tuaany. ³ Go nyierakën wet tuoc Jethu, “Beny, mäthdun nhia acī tuaany.”

⁴ Nawën piŋ Jethu ke lueel, “Tueny kënë acī Ladhäro bi nök, kënë acī rot looi bi Nhialic leec thün. Ku yen ë te bi Wën Nhialic lec yök thün.”

⁵ Ku Jethu ë nhia Martha kek nyankën ku Ladhäro. ⁶ Nawën cɔk piŋ lɔn cī Ladhäro tuaany, ke näk nün karou tewën rëer yen thün. ⁷ Ku jɔl lek kɔc ye buoc, “Benku dhuk ciëen pan Judia.”

⁸ Go kɔc ye buoc lueel, “Raan piöoc, wäär ëmën thiöök, ee wic kɔc Itharel bik yi biöök aleel, ku ye wic ëmën ba ben dhuk thün?”

⁹ Go Jethu beer, “Akäl tök cī yic la aköl ku waköu? Te cieth raan ke ruel dit ke yeen acie köth, rin ala ruel yen piny tiŋ. ¹⁰ Ku na cieth waköu ka köth, rin liu ruel tənë ye.” ¹¹ Jethu acī wëlkä lueel ku met det thün, “Mäthda Ladhäro acī nün wit, ku yen ala ba la puöc.”

¹² Go kɔc ye buoc lueel, “Beny, na cī nün ka bi njëen.”

¹³ Ku wet wic Jethu bi lek ke ë lɔn cī Ladhäro thou. Gokë tak lɔn jëem yen wet nün ë path. ¹⁴ Go Jethu gai yic tənë ke, “Ladhäro acī thou, ¹⁵ ku yen acī puöu miet ë rienkun ba kec rëer kek ye, rin bák gam. Jɔlku la tənë ye.” ¹⁶ Go Thomath, cɔl Acueek, lek atuuc, “Lokku yodhie kek Raan piöoc, rin buk la thou kek ye.”

Jön rot ku pír aabö tənë Jethu

¹⁷ Nawën yet Jethu ke yök lɔn cī Ladhäro thiök ka la nün kaŋuan raŋ yic. ¹⁸ Bethani amec kek Jeruthalem tɛcit ten meel karou, ¹⁹ ku kɔc juéc Itharel aake cī ben bik Martha kek Maria ben deet puöth, rin wämënhden cī thou.

²⁰ Nawën piŋ Martha lɔn bi Jethu, ke la ayeer bi la röm kek ye, ku döŋ Maria bei. ²¹ Go Martha lek Jethu, “Beny, na yi tö thün, njöt wämääth akëc thou. ²² Ku anjiec lɔn na cɔk amën ke Nhialic abi këriëc ëbën ba thiëc ye, gam yi.”

²³ Go Jethu lek ye, “Wämuuth abi rot jɔt bi pír.”

²⁴ Go Martha beer, “Anjiec lɔn bi yen rot jɔt bi pír aköl ciëen.”

²⁵ Go Jethu lek ye, “Yen ë jön rot ku pír. Raan gam wetdie, na cɔk alɔn thou yen ka bi pír. ²⁶ Ku kuat raan pír ku gem wetdie acī bi kaŋ thou. Ca kënë gam?”

²⁷ Go lueel, “Ee këya, Beny. Aca gam lɔn ye yin Raan cī lɔc ku dɔc, Wën Nhialic, bi dhiel ben pinyinhom.”

Jethu adhiau

²⁸ Nawën cī Martha wëlkä lueel, ke dhuk ciëen ku cɔl nyanakën Maria amääth ku lueel, “Raan piöoc atö ten ku awic yi.” ²⁹ Nawën piŋ Maria wet kënë, ke jɔt rot ku lɔc la ayeer bi la röm kek ye. ³⁰ Ku Jethu ë njot këc yet baai, a njot rëer tewën rëm yen thün kek Martha. ³¹ Go kɔc Itharel wën rëer yööt kek Maria rin bik deet puöu, buoc cök, wën tiŋ kek ye ke cī rot jɔt ku ben yeköu ayeer. Ee cik tak lɔn ler yen raŋ nhom bi la dhiau thün.

³² Wën yeet Maria tewën rëer Jethu thün, ke cuet rot piny yecök ku lueel, “Beny, na yi tö thün ten njöt wämääth akëc thou.”

³³ Nawën tiñ Jethu ke dhiau, ku kóc Itharel awën ruéc ye ke dhiau aya, go keñ yepuöu ku ñeer yic apei.
³⁴ Go ke thiëc, “Cäk thiök teno?” Gokë lueel, “Beny, bäär ba tiñ.”
³⁵ Go Jethu dhiau. ³⁶ Go kóc Itharel lueel, “Tieñkë te nhieer yen ye thïn.”
³⁷ Go kóc kök kamken lueel, “Acï raan cï cöör liep nyin, këc looi? Ku yeñö këc yen Ladhäro kuöny bei thou yic?”

Ladhäro acï ben pïr

³⁸ Go Jethu yic ben ñeer apei ku ler rañ nom, ku rañ ëcï wec kuur yic, ku kuurdit acï tääu yethok. ³⁹ Go Jethu ke yöök, “Nyaaikë kuur.”

Go Martha, nyanakën raan cï thou beer, “Beny, acï nhiany. Nin cï ye thiök aa ñuan.”

⁴⁰ Go Jethu lek ye, “Kec lek yï lön bï yïn lec Nhialic tiñ te gem yïn?” ⁴¹ Gokë kuur laar wei. Go Jethu yenyin ñäär nhial ku lueel, “Wä yïn alëec rin ye yïn ya piñ, ⁴² ku añiec lön ye yïn ya piñ akölaköl, ku alueel rin bï kóc tö thïn ten ye gam, lön cï yïn ya tooc.”

⁴³ Kaam wën cï yen wëlkä lueel ke cöt röldit, “Ladhäro, bäär ayeer.” ⁴⁴ Go ben ayeer ke cï duut cök ku cin alanh thiëkthiëk, ku acï der nyin alath. Go Jethu lek ke, “Däkkë ku calkë acath.”

Amat nek Jethu

(Mt 26:1-5; Mk 14:1-2; Lk 22:1-2)

⁴⁵ Go kóc juéc Itharel cï ben bik Maria ben neem, kë cï Jethu looi tiñ, ku gamkë wetde. ⁴⁶ Ku dhuk kóc kök ciëen kamken tënë kóc akut Parathï, bik käk cï Jethu looi la lek ke.

⁴⁷ Go kóc akut Parathï ku kóc käk Nhialic mat kek beny luk, ku luelkë, “Buk ñö looi? Mony kënë ee luoi ril apei looi! ⁴⁸ Na päлку bï la tueñ këlä, ke kóc ëbën abï wetde gam, ku bäny Roma aabi ben bik luañ Nhialic thuör piny ku reckë panda.”

⁴⁹ Go Kaipa yen ye raandit kóc käk Nhialic ë ruöön kënë lueel, “Wet tök akuöckë! ⁵⁰ Cäk ye tiñ lön añueen tënë we bï raan tök thou rin kóc, ten te bï wuönda riääk ëbën?” ⁵¹ Ku akëc wet kënë lueel piände ë rot, ku ë rin ye yen raandit kóc käk Nhialic ë ruöön kënë. Ku ë luel käk tueñ bï röt looi lön bï Jethu thou rin thän Itharel, ⁵² Ku acie rienken kepec, abï thou aya bï mïth Nhialic cï thiëi pinyhom kuööt yiic bik aa tök.

⁵³ Jöök aköl kënë ke bäny aake guir bik Jethu nöc. ⁵⁴ Këya, go Jethu kec ben acath ë path kam kóc pan Judia, ku jiël bï la gen cöl Epraim tethiök ke ror, ku rëer thïn kek kóc ye buöoth.

⁵⁵ Ku Yan Ayum cïn yic luoi kóc Itharel ëcï thiök, go kóc juéc jäl bäaiken yiic bik la Jeruthalem, bik köc wuuny kek kegup yandit nom tueñ la looi. ⁵⁶ Gokë Jethu wïc, ku thiëckë röt kamken wën cï kek guëer luañ Nhialic, “Yeñö yakë tak? Bï ben yai yic, kua cïi bï ben?” ⁵⁷ Ku kóc käk Nhialic ku kóc akut Parathï aake cï wet lueel, lön raan ñic te rëer Jethu thïn adhil wet lek ke, ku bï döm.

Maria acï te theek yen Jethu thïn nyuöoth

(Mt 26:6-13; Mk 14:3-9)

12 ¹ Nin kadätem Yan Ayum cïn yic luou nom tueñ, ke Jethu la Bethanï, pan ciëñ Ladhäro thïn, raan wäär cï jöt bei thou yic. ² Gokë miëth guir tënë ye, miëth cï Martha ben luui thïn apei. Ku Ladhäro atö kam kóc ke rëer thïn aya. ³ Go Maria karjac cï thiäñ miök ñir cöl naar, ye yöcc wëü juéc lööm, ku puk Jethu cök ku wuuny nhimken nom. Go añir miök yöt rum yic ëbën. ⁴ Go raan tök kam kóc Jethu buöoth, cöl Judath Ithkariöt, raan bï ye luom lueel, ⁵ “Yeñö këc miök ñir kënë yaac wëü juéc wär wëü ye döm raan tök, ku yik ke kóc ñöñ?” ⁶ Ku ëcie rin nhier kóc ñöñ yen lueel yen kënë, ee rin ye yen cuär, ee ye wëü akut muk, ku ë ye rot kony thïn.

⁷ Go Jethu lueel, “Pälkë, calkë amuk miök rin aköl bï ya thiök. ⁸ Kóc ñöñ aabi rëer thïn akölaköl kek we, ku yen acïi bï rëer kek we akölaköl.”

⁹ Go kóc juéc Itharel jäl ñic lön tö Jethu Bethanï, gokë la thïn, ku acie rin Jethu yetök, ee rin bik Ladhäro la tiñ aya, raan wäär cï Jethu jöt kam kóc cï thou. ¹⁰ Go kóc käk Nhialic wet mat yic bik Ladhäro nöc aya, ¹¹ rin wet Ladhäro yen aye kóc juéc Itharel bänyken puöl ku gamkë wet Jethu.

Jethu acï la Jeruthalem ke ciëm yai

(Mt 21:1-11; Mk 11:1-11; Lk 19:28-40)

¹² Nayon nhiääk det ke akudit kóc cï ben Yan Ayum cïn yic luou yic, piñ wet lön bï Jethu Jeruthalem.
¹³ Gokë ayör agep lööm, ku lek bik la lor, ku ketkë ëlä,

“Lec tēnē Nhialic!

Nhialic dōc raan bō rin Beny!

Nhialic dōc Beny Itharel!”

¹⁴ Go Jethu akaja yök ku nyuuc yekōu, cīt te cī gāt ye athör theer wël Nhialic yic,

¹⁵ “Duökkē riōc kōc Itharel! Yen kīn, Bānydun abō, ke cī nyuc akaja kōu.”

¹⁶ Ku kākā aake kēc kōcken ye buōth deet yiic, nawēn cī Jethu rot jōt ke lec, ke jōlkē ŋic lōn cī kākā gōt athör theer wël Nhialic yic, ku lōn cī kek kākā looi tēnē ye.

¹⁷ Ku kōc juēc ke reer thīn wāār cī Jethu Ladhāro caal ayeer raŋ yic, ku jōt kam kōc cī thou, aake kē cīk tiŋ tet kōc. ¹⁸ Ku rin wet kēnē aya yen aa lor kōc juēc ye, rin cī kek luōdit jāŋ gōi cī looi piŋ. ¹⁹ Go kōc akut Parathī lueel kamken, “Cāk ye tiŋ lōn cīn yen kē yökku thīn. Tierkē, aye thei ēbēn buōth cōk.”

Kōc Girik kōk aa wīc Jethu bik tiŋ

²⁰ Kōc Girik kōk aake tō kam kōc cī la Jeruthalem bik Nhialic la door thīn. ²¹ Gokē ben tēnē Pilipo, raan Galilia pan Bethaida ku luelkē, “Beny, yok aa wīc Jethu buk tiŋ.”

²² Go Pilipo wet lek Andria, ku lekkē karou tēnē Jethu bik la lek ye. ²³ Go Jethu beer, “Ēmēn, akōl bī Manh Raan ya leec apei acī guō yēēt. ²⁴ Wet yic alek we, nyin rap ē rēer ke ye tōk ē path, te kēc ye tāāu tiōp yic bī ciet kē cī thou. Na le yic pāt bī ciet kē cī thou, ka jōl luōk mith juēc. ²⁵ Raan nhar pierde, abī muōr ku raan man pierde pinynhom ten abī muk tēnē pīr akōlriēec ēbēn. ²⁶ Kuat raan wīc ye bī yen luōōi ka dhil ya buōth cōk, rin te rēer yen thīn, aluōnydie abī rēer thīn aya, ku Wā abī kuat raan luui ya leec.

Jethu ajam wet Thuōnde

²⁷ “Piāndie arem ēmēn, ku ba ŋō lueel? Ba lueel, ‘Wā, duk kēreec tit ya cōl abō?’ Ku kēnē ē yen cī yen ben thīn, rin ba arem akōl kēnē thōl. ²⁸ Wā, cōl rienku alec!”

Go rōl jam nhial ku lueel, “Aca cōl alec ku aba ben cōl alec.”

²⁹ Go kōc ke kāac thīn teen rōl piŋ ku luelkē, “Deŋ acī mār.” Go kōc kōk lueel, “Atuny Nhialic acī jam tēnē ye.”

³⁰ Teenē, go Jethu lek ke, “Ee cie tēnē ya yen jieem rōl kēnē, ee rienkun. ³¹ Ēmēn, ē te bī luk teem tēnē kōc tō pinynhom, ku beny jakreec abī cuōp wei. ³² Te cī ya jat nhial, ke yen abī kōc ēbēn miēēt tēnē ya.” ³³ Ku wēn lueel yen kēnē, ke wīc bī nyuōth yen te bī yen thou thīn.

³⁴ Go akut beer tēnē ye, “Wet cī gōt athör yic ē yok lek lōn bī Raan cī lōc ku dōc, pīr akōlriēec ēbēn. Na yiin lēu kēdē ba lueel lōn bī Manh Raan jat nhial? Ku yeŋa yen Manh Raan?”

³⁵ Go Jethu beer, “Aŋoot tethin nyōot bī ruel rēer kamkun. Lakkē tueŋ dhōldun yic ēmēn tōu ruel tēnē we bī muōōth we cīi dōt, rin raan cath muōōth yic akuc te ler yen thīn. ³⁶ Gamkē ruel ēmēn ŋoot yen kek we, rin bāk aa kōc ruel.” Tewēn cī Jethu wēlkā lueel ke la ayeer ku thieen rot tēnē ke.

Kōc Itharel aa kuec ē gam

³⁷ Na cōk amēn cī yen luōi rilkā ēbēn looi kenhīim guōp, ke keek aa kēc wetde gam, ³⁸ bī wet cī Ithaya, raan kāk Nhialic tiŋ kaŋ lueel theer yenhom tieeŋ, wetden wāār lueel ēlä,

“Beny, yeŋa cī wet cuk lek kōc gam?

Yeŋa cī Beny nyuōth riel?”

³⁹ Ku rin ē kēnē acīn te bī kek gam, rin wet kēnē aya, acī Ithaya lueel ēlä,

⁴⁰ “Aacī Nhialic dhōny nyin, ku mer kepuōth.

Bīk kāŋ cīi tiŋ kenyin, ku cīk wet det kepuōth.

Bīk rōt wel yen ku ba keek kony.”

⁴¹ Ithaya acī kēnē lueel rin cī yen lec Jethu tiŋ ku jieem rienke.

⁴² Ku ēmēn aya, ke bāny kōc Itharel aake cī wet Jethu gam, ku akēckē lueel kōc nhīim, rin riōc kek kōc akut Parathī bik ke cīi cop wei ten amat. ⁴³ Aake lec kōc nhiaar tēnē lec Nhialic.

Jethu abī luk looi tēnē kōc ēbēn

⁴⁴ Go Jethu lueel rōldit kōc nhīim, “Raan gam wetdie acie wetdie rot yen ye gam, ee wet raan toc ya gam aya. ⁴⁵ Ku raan tiŋ ya, ka tiŋ raan cā tooc aya. ⁴⁶ Yen acī ben cimēn ruel pinynhom, bī raan ēbēn gam wetdie cīi ben rēer muōōth yic. ⁴⁷ Raan piŋ wetdie ku cīi lōk looi, ke yen acīn wet ba tem ye, rin kēc yen ben ba kōc

pinyhom ben luk, yen aci ben ba ke ben piir. ⁴⁸ Raan kuc e ya ku cii wetdie gam, raan bi ye tem awuoc abi to thin, ku wetdien ca lek koc abi ye luk akol ciien. ⁴⁹ Ku e keya, rin kec yen jam wet piandie rot, ku e Wa Acieng toc ya, yen aci ya thon ke ba dhiel lueel ku jaam e yic. ⁵⁰ Ku aniec lon ye wetde pir akolriieec eben beei. Kak ya lueel aa kak ci Wa nyuoth ya ba ke lueel.”

Jethu aci kocken ye buoath look cok

13 ¹ Ee ye akol Yan Ayum cin yic luou nom tueng. Go Jethu nic lon ci akol jiel yen pinyhom ten jal ben, ku bi la tené Wun. Yeen aci kocken reer pinyhom nhiaar alanden, ku nhieer ke yet te bi wet thok.

² Jethu ku kocken ye buoath aake ci nyuc bik mieth thei cam. Ku jonrac eci wet taau Judath, wen Thaimon Ithkariot puou, bi Jethu gaany. ³ Go Jethu nic lon ci Wun riel eben taau yecin, ku e nic lon ci yen ben tené Nhialic, ku e ben dhuk tené ye. ⁴ Go rot cuot wei tewen mith kek thin ku dek alanh kou, ku ruk alanh wuony ye anum. ⁵ Ku jal piu puok aduok yic ku look kocken ye buoath cok, ku wuony ke alanh wuony wen ci ruok ye anum. ⁶ Ku jal ben tené Thaimon Piter, go Piter lek ye, “Ye yin ba look cok, Beny?”

⁷ Go Jethu beer tené ye, “Ke luoci acii ye deet yic emen, ku aba lok deet yic.”

⁸ Go Piter lueel, “Yin acii ya bi kan look cok acin.” Go Jethu beer, “Na ca yi lok cok, ke yin acin te bi yin ben a raandie.”

⁹ Go Thaimon Piter lueel, “Beny, na ye keya ke yi duk ya lok cok e rot, lok yacin ku yanhom aya.”

¹⁰ Go Jethu lueel, “Raan ci laak acin guop acuol, ku abi yecok look rot. Wek aa yer eben, ke raan tok kamkun yen acii yer.” ¹¹ Jethu e nic raan bi ye gaany, yen e lueel yen ye ela, “Wek aa yer wedhie, ke raan tok yen acii yer.”

¹² Nawen ci Jethu ke look cok, ke ben alanhde ruok ku nyuuc teden wen reer yen thin, ku thiieec ke, “Cak kak ca looi tené we emen deet yic? ¹³ Wek aa ya cuol raan pioc ku Beny, ku yeen apath bak looi keya, rin e ya. ¹⁴ Yen e Beny ku Raan pioc tené we, ku not we laak cok. Ke week aya, wek aabi wecok look kamkun, nek kek nek. ¹⁵ Wet path aca nyuoth we, bak looi cimén ci yen ye looi tené we. ¹⁶ Wet yic alek we, acin alony dit tené banyde, ku acin atuny dit tené raan toc ye. ¹⁷ Emen nic wek wet yic kené, te looi wek ye, ke miet puou dit abak yok thin.

¹⁸ “Yen acii jam e rienkun eben, yen anic koc ca kueny bei. Ku wet ci got athor theer wel Nhialic yic ela, ‘Raan mith yok aduan tok yic acie nom wel ya,’ adhil yenhom tieeng. ¹⁹ Wek aa lek wet kené emen ke kec rot guo looi, rin akol bi yen rot looi ka bak jal gam lon, ‘Ye Yen Yeen.’ ²⁰ Wet yic alek we, raan lor raan ca tooc, acä lor aya, ku raan lor yen ka lor raan toc yen aya.”

Ké cin Judath puou aci lueel

(Mt 26:20-25; Mk 14:17-21; Lk 22:21-23)

²¹ Nawen ci Jethu welka lueel, ke neer yic ku lueel, “Wet yic alek we, raan tok kamkun abi ya gaany.”

²² Go koc ye buoath kenyin liaath kamken ke ci nhim la dil apei wet ye lueel. ²³ Ku raan ton nhieer Jethu kam koc ye buoath, eci nyuc Jethu loom, ²⁴ go Piter nieu nyin ku lueel, “Thieec, ye raan nen yen jieem yen rienke.”

²⁵ Go atuny kené rot cuot Jethu ku thiieec, “Beny, ye yen e na?”

²⁶ Go Jethu beer, “Ee raan bi yen ayup luot kada yic ku yiek ye.” Ku loom ayum ku lut kada yic ku yik Judath, wen Thaimon Ithkariot. ²⁷ Tewen loom Judath ayup, ke jonrac go la yeguop. Go Jethu lek ye, “Ke wic ba looi, loc looi.” ²⁸ Ku acin raan kam koc ke mith kek ye ci wet deet yic, ye rin no yen jieem Jethu keya tené ye. ²⁹ Ku rin yen Judath yen weuken muk, ke ci kocken kok tak lon ci Jethu ye lek ye bi la yoc ka wické rin yai, tedé ke ci lueel bi koc no muoc.

³⁰ Ku kaam wen loom Judath ayup, ke la ayeer. Ku e ye wakou.

Lön Yam

³¹ Wen ci Judath jal, ke lueel Jethu, “Emen lec Manh Raan aci nyuoth koc, ku lec Nhialic aci nyuoth koc e ye. ³² Ku te ci lec Nhialic nyuoth koc e ye, ke Nhialic abi lec Manh Raan nyuoth yeguop, ku abi lac looi nyin yic. ³³ Miethkie, yen acii bi reer kek we apei. Wek aba wic, ku alek we emen yen wet ca lek koc Itharel, ‘Acin te bi wek la te ler yen thin.’ ³⁴ Lön yam ayiek we, nhiarké rot kamkun, cimén ci yen we nhiaar, keya, ke wek aa dhil rot nhiaar kamkun. ³⁵ Na nhiarké rot kamkun ka bi nic koc eben lon ye wek kockien ya buoath.”

Piter ajei Jethu

(Mt 26:31-35; Mk 14:27-31; Lk 22:31-34)

³⁶ Go Thaimon Piter thiëc, “Na yiin lordë Beny?” Go Jethu beer, “Te ler yen thin acin te buoath yin yacök emën, ku yin abä buoath aköldä.”

³⁷ Go Piter thiëc, “Beny, yenjö cii yen ye lëu ba yi buoath emën? Atöu yapuöu ba thou ë rienku.”

³⁸ Go Jethu beer, “Lëu ba thou alanden ë rienkie? Wet yic alek yi. Te not këc thon ajith kiu, aba lueel arak diäk lon kuc yin ya.”

Jethu ee dhël la tënë Wun

14 ¹ Go Jethu lek ke, “Duökkë dieer ku reerkë we rac puöth. Gamkë Nhialic ku gamkë ya aya. ² Pan Wä ala yic yööt juëc, ku yen ala ba piny la guiir tënë we. Na cie yic wet kënë, nuöt akec lek we. ³ Ku te ci yen la ba piny la guiir tënë we, ke yen abï dhuk ba we mat tedie rin bäk rëer te töu yen thin. ⁴ Ku dhël bi wek yet te le yen thin anjeckë.”

⁵ Go Thomath lek ye, “Beny, yok aa kuc te le yin thin, ku buk dhël bi yok yet te tö yin thin njic kädë?”

⁶ Go Jethu beer tënë ye, “Yen ee dhël ku yic ku pir, acin raan la tënë Wä te cii yen rienkie.” ⁷ Ku lëk ke, “Emën ci wek ya njic, ke wek aabi Wä njic aya, ku emën yet tuej, anjeckë ku acäk tijn.”

⁸ Go Pilipo lueel, “Beny, nyuöth yo Wuur, yen ee kë wicku yetök.”

⁹ Go Jethu beer, “Yen aci cej apeï kek we, ku yin ajet yi këc ya njic, Pilipo? Raan cä tijn, aci Wä tijn aya. Yenjö ë yin ye lueel, ‘Nyuöth yo Wuur?’ ¹⁰ Këc gam yin Pilipo, lon rëer yen Wä yic ku Wä yayic?” Ku jol Jethu lek koccken ye buoath, “Wël ca lek we aacie wël bö bei tënë ya. Wä reer yayic, yen ë luoidë looi.

¹¹ Gamkë wetdie lon rëer yen Wä yic ku lon tö Wä yayic. Na liu gam ke gamkë rin luoi kie. ¹² Wet yic alek we, raan gam wetdie abï luoi ya looi a looi, ku tedet abï luoidit tenë luoidie a looi, rin ler yen tënë Wä. ¹³ Ku këriëc ebën bäk thiëc ë rienkie aba looi, rin bi lec Wun nyuöth rin Wënde. ¹⁴ Te thiëc wek këdän ë rienkie, ka ba looi.

Athön bi Wëi Nhialic ben

¹⁵ “Na nhiarkë ya, ke we piñ lööjkie. ¹⁶ Yen abï Wä thiëc ku abï we yiëk raan det koc kony, ku ye Wëi ë yic bi rëer kek we akölrüëc ebën. ¹⁷ Acin te bi koc pinynhom ye gam, rin acik lëu bik tijn ku cik lëu bik njic. Ku yeen anjeckë rin yen adöj kek we ku aciëj kek we.

¹⁸ “Wek aacä bi puöl wepec, yen abï dhuk tënë we. ¹⁹ Anjoot tethin-nyoot ku koc pinynhom aaciï ya bi ben tijn ku wek aabä tijn, ku rin piir yen, ke wek aabi pir aya. ²⁰ Te ler aköltui ben ka bäk njic lon tö yen Wä yic ku lon rëer yen weyiic.

²¹ “Raan gam lööjkie ku looi ke, yen ë raan nhiaar ya. Ku raan nhiaar ya abï Wä nhiaar, ku yeen aba nhiaar aya, ku yen abï rot nyuöth ye.”

²² Go Judath lueel, ku yeen acie Judath Ithkariöt, “Beny, bi rot lëu këdë ba rot nyuöth yo ku cii rot nyuth koc pinynhom?”

²³ Go Jethu beer tënë ye, “Raan nhiaar ya, ka piñ wetdie ku yeen abï Wä nhiaar, ku yok aabi ben tënë ye yok Wä buk pir kek ye. ²⁴ Raan cii ya nhiaar acie wetdie ye piñ. Wet cäk piñ tënë ya acie wetdie, ee wet bö tënë Wä raan toc ya.

²⁵ “Wëlkä aaca lek we emën noot yen kek we. ²⁶ Ku raan koc kony, Wëi Nhialic bi Wä tuöc ë rienkie yen abï we piöc këriëc ebën ca lek we.

²⁷ “Döör aya nyään piny ke we, ku döördie guöp ayiëk we. Acä ye gäm we cimën ye koc piny ye yiëk koc. Duökkë yiic neer ku duökkë riöc. ²⁸ Acäk piñ ke lueel tënë we ëlä, ‘Yen ajiël ku yen abï la dhuk tënë we.’ Na nhiarkë ya ke wek aabi puöth miet rin ler yen tënë Wä, rin adit tënë ya. ²⁹ Kënë aca lek we emën ke not këc rot guo looi, na le rot looi ke bäk gam. ³⁰ Acä lëu ba jam apeï kek we emën, rin jöj pinynhom abö. Ku yeen acin riel tënë ya. ³¹ Ku adhil koc pinynhom njic lon nhieer yen Wä, yen ë rin ye yen këriëc ebën ye thon ya looi.

“Bäk, jiëlku ten.

Jethu yen abiëny yic

15 ¹ “Yen abiëny yic ku Wä ë raan dom, ² yen ee kuat kër cie luok tö yaköu teem wei, ku teem kuat kër luok nom, rin bi nyac bi njic luok apeï. ³ Wek aaci jäl piath rin piöc ca yiëk we. ⁴ Reerkë akut yic kek ya, ku yen abï rëer akut yic kek we. Kër acie luok ë rot, alëu bi looi te rëer yen abiëc yic. Këya, acäk lëu bäk luok te cii wek reer yayic.

⁵“Yen abiëc ku wek aa kër. Raan rëer yäyic ku yen yeyic abi luok apei, rin week acin kë leukë bäk looi te liu yen tënë we. ⁶Raan cie rëer yäyic ka ya cuat wei cimën kër tim ku bi riel, ku kuat kërkä aabi kuööt yic ku cuet ke mæec te bi kek dëp thïn. ⁷Na rëerkë yäyic, ku rëer welkie wepuöth ke keriëec ëbën bäk thiëec ku wieckë, ka bäk yök. ⁸Lec Wä aye nyuöth te lok wek apei, ku këya, ke wek aabi ya kockien ya buöth. ⁹Wek aa nhiaar cimën nhieer Wä yen, rëerkë nhierdie yic. ¹⁰Na thekkë lööŋkie ke wek aabi rëer nhierdie yic cimën ci yen lööŋ Wä buöth yic, ku rëer nhierdie yic.

¹¹“Kënë aca lek we, bi miet puöu tö tënë ya täu wepuöth aya, ku bi miet piändu thääp ë dit. ¹²Ku löŋdie akïn, nhiarkë röt cimën ci yen we nhiaar. ¹³Nhierdit tet lëu raan bi yiëk mäthke, ee gem weike ë rienken. ¹⁴Ku wek aa mäthkie te looi wek käk ca lek we. ¹⁵Wek aacä bi ben cööl aloony, rin alony akuc käk ye wun baai looi. Ku wek aaya cööl mäthkie, rin ci yen keriëec ëbën ca piŋ tënë Wä nyuöth we. ¹⁶Aacie wek cä loc, ee yen aci we loc, ku wek aaca tooc bäk la bäk la luui apei, luui bi döŋ atheer. Ku Wä abi keriëec ëbën cäk thiëec ë rienkie yiëk we, ¹⁷kë thön we akïn, nhiarkë röt kamkun.

Män koc pinyhom

¹⁸“Na man koc pinyhom we, ke dhielkë tak lon ci kek ya kaŋ maan. ¹⁹Na we koc pinyhom, ke koc pinyhom aabi we nhiaar rin ye wek kacken, ku wën ci yen we kueny bei pinyhom, ke wek aacie koc pinyhom, ku rin ë wet kënë, koc pinyhom aa man we. ²⁰Muökkë wet ca lek we nom, ‘Acin alony dit tënë banyde.’ Na jörkë ya, ke keek aabi we jöör aya, na piŋkë wetdie, ke keek aabi wetdun piŋ aya. ²¹Ku keek aabi kakkä looi ëbën tënë we rin ye wek kackie, rin kuc kek raan cä tooc. ²²Na ya këc ben ku cä jam tënë we, ŋuöt aa këc gup la adumuööm, ku cit ëmën këlä, acin te bi ke ben puöl rin adumuöömken. ²³Raan man ya, ee Wä maan. ²⁴Na ya këc luokä kaŋ looi kamken, käk cïn raan ci ke kaŋ looi, ŋuöt aa cïn gup adumuööm, cit ëmën këlä, aaci käk ca looi tiŋ, ku keek aa ŋot ke man ya ku Wä aya. ²⁵Ku kënë adhil rot looi këya bi wet ci göt löŋden yic rot tieeŋ, ‘Keek aa man ya ë path ke cïn wet yic.’

²⁶“Raan kuöony abi ben, Wëi Nhialic abi yiny Nhialic nyooth, ku yeen abö tënë Wä. Yeen aba tuöc we tënë Wä, ku yeen abi jam ë rienkie. ²⁷Ku week aya wek aabi jam ë rienkie rin ci wek rëer ke ya theer.

16¹“Kënë aca lek we bäk gamdun ci päl. ²Wek aabi cuop wei ten amat. Ku kaam abi ben, te bi kuat raan näk we ye tak lon na looi kënë, ke yeen aluui Nhialic. ³Keek aabi kakkä looi tënë we, rin kuc kek Wä ku kuckë ya. ⁴Kakkä aaca lek we, rin aköl bi kek kakkä looi, ka jälkë tak lon ci yen ye kaŋ lek we.

Luoi Wëi Nhialic

“Wëlkä aa kec lek we wäär tueŋ rin rëer yen kek we. ⁵Ku ëmën yen ala tënë raan cä tooc, ku aŋot cïn raan kamkun ya thiëec, ‘Na yiin lor dë?’ ⁶Ku ëmën ci yen ye lek we, wek aaci puöth jieth. ⁷Wet yic alek we, aŋueen tënë we lon jiël yen, rin na cä jiël ke raan koc kony acii bi ben tënë we. Ku na jäl ke yen aba la tuöc we. ⁸Ku na bi, ka bi nyuöth koc pinyhom lon rëec kek rin wet adumuööm, ku rin wet cieŋ path ku wet luŋ Nhialic. ⁹Keek aa rec rin wet adumuööm, rin këc kek ya gam, ¹⁰rin wet cieŋ path ci ladie tënë Wä nyuöth, ku kë ci wek yen bi ben tiŋ. ¹¹Ku keek aa rec rin luk, rin ci beny pinyhom ten luök wei.

¹²“Yen ala käjuëc kök ba lek we, ku ëmën aril yic bäk ke muk wenhiim. ¹³Ku na bö Wëi Nhialic yen ë yic, ka bi we nyuöth wël yith ëbën. Yeen acii bi jam welke ë rot, ku käk ye piŋ aabi lek we. ¹⁴Yeen aba leec, rin bi yen këdien ba lueel lööm ku nyuth we. ¹⁵Käk Wä ëbën aa kakkie, ku ë yen aci yen ye lueel lon bi Wëi käk ba yiëk ye lööm, ku jol ke lek we.

Rëec puöu ku miet puöu

¹⁶“Aŋoot kaam thin nyöot, ku wek aacii ya bi tiŋ, ku na ben a kaam thin nyöot ke we abi yen ben tiŋ.”

¹⁷Go koc kök kam kocken ye buöth lueel, “Kënë wetde yic yeŋö? Aye lek yo, kaam thin-nyöot ke week aacii ya bi ben tiŋ, ku ben a kaam thin-nyöot ku wek aabi ya tiŋ? Ku lueel aya, ‘Ee rin ler yen tënë Wä.’”

¹⁸Gokë thiëc, “Kam thin-nyöot kënë wetde yic ako? Kë wic bi lueel akucku!”

¹⁹Go Jethu ŋic lon wic kek ye bik thiëec, ku lëk ke, “Aca lueel, ‘Kam thin nyöot ke wek aacii ya bi tiŋ, ku na ben a kaam det ke wek aabi ya tiŋ.’ Ye wet kënë yen yakë thiëec kamkun? ²⁰Wet yic alek we, wek aabi dhiau ku dhuöörkë apei, ku koc pinyhom aabi puöth miet, ku wek aabi puöth rëec, ku rëec piändun abi wel tënë we bi ya miet puöu. ²¹Na thiök tik kek dhiëth ka rac puöu rin ci aköl reem ye yëet, ku na ci meth jäl dhiëth ka areem wën acii ben tak rin ci yen puöu miet, rin ci yen meth dhiëth pinyhom. ²²Ku acit kënë tënë we aya, wek aa rec puöth ëmën, ku wek aabä ben tiŋ, ku wek aabi kueth miet ë puöu, kuat miet puöu cïn raan bi ye ben nyaai tënë we.

²³ “Na la aköl kënë ben ke wek aacii ya bi ben thiëc kédän. Wet yic alek we, kəriëc ebën bäk thiëc ë rienkie abi Wä yiëk we. ²⁴ Yet yaköl acin kë cäk thiëc ë rienkie, thiëckë ku abäk yök, bi miet puöu dit tënë we.

²⁵ “Käkkä aake ya lek we waal, ku te cii yen bi ben jam waal aci thiök, ku yen abi ya jam tënë we wël la gei rin Wä. ²⁶ Te le aköl kënë ben, ke wek aabi Wä thiëc ë rienkie. Ku acä bi lek we lon bi yen ya röök ë rienkun tënë Wä, ²⁷ rin Wä anhiar we rin nhieer wek ya, ku rin ci wek ye gam lon yen a ya bö tënë Nhialic. ²⁸ Yen abö tënë Wä ba ben pinynhom, ku pinynhom aba puöl ku dhuök tënë Wä.”

²⁹ Go kocken ye buoöth lek ye, “Tiñ, yin ajam gei emën ke yi cii ben jam waal. ³⁰ Acuk ñic emën lon ñic yin kəriëc ebën, ku yin aacii tit bi yi thiëc, rin wet kënë acuk ñic lon bii yin tënë Nhialic.”

³¹ Go Jethu beer tënë ke, “Cäk jäl gam emën? ³² Pieñkë tedän abi ben, ku aci thiök ayic, te bi wek weer bi ñek ala panden, ku wek aabä nyään piny yatök. Ku acie yen yatök rot, rin Wä areer kek ya. ³³ Wek aaca lek kënë rin bäk aa tök kek yen, bäk döör yök. Koc pinynhom aabi we jöör, ku deetkë wepuöth yen acii karec pinynhom lëu!”

Jethu aröök rin kocken ye buoöth

17 ¹ Nawën ci Jethu wëlkä thöl luel, ke ñeer yenyin nhial ku luel, “Wä, aköl aci yëët. Yiëk lec Wëndu ku bi Wëndu yi yiëk lec. ² Rin yin aci bääny yiëk ye koc nhim ebën, bi pir akölrüëc ca gam ye yiëk koc ebën. ³ Ku pir akölrüëc akün, bi koc yi ñic lon yin ë Nhialic la cök, ku ñickë Jethu raan ci loc ku doc wäär ca tuöc pinynhom. ⁴ Yen aci lecdü nyuoöth pinynhom, ku luoi ca yiëk ya ba looi aca thääp. ⁵ Wä, gam ya lecdü yinhom ten emën, lec wäär reer kamkua yok yi, wätheer ke piny këc cak.

⁶ “Yin aca nyuoöth tënë koc ca yiëk ya pinynhom. Keek aake ye kacku, ku ë yin aci ke gam ya, ku keek aaci wetdu gam. ⁷ Ke emën anickë lon kəriëc ebën ca yiëk ya abö tënë yi. ⁸ Wä yen aci wet ca lek ya lek ke, gokë gam, ku anickë ayic yen lon bii yen tënë yi, ku acik gam lon ci yin ya tooc.

⁹ “Yen ë röök ë rienken. Yen acie röök rin koc tö pinynhom, ee rin koc ca yiëk ya rin ye kek kacku. ¹⁰ Käkkie ebën aa käcku, ku lecdie aye nyuoöth keyiic. ¹¹ Ku emën yen abö tënë yi, yen acii ben a raan reer pinynhom, ku keek aatö pinynhom. Wä dhëñ, tit ke riel ë rienku, rin wäär ca yiëk ya, bik aa tök cimën yok yo yi. ¹² Wäär reer yen ke ke, aaca muk riel ë rienku, keek aaca ke tiit ku acin tönj cii määär kamken. Arek ke raan wäär yen bi dhiel määär ë rot, rin bi wet ci göt athör theer wël Nhialic yenhom tieñ. ¹³ Ku emën yen abö tënë yi, ku käckä aa ya luel ya ñoot pinynhom bi miet piändie reer kepuöth ke dit alanden. ¹⁴ Yen aci wet lek ke, go koc pinynhom ke maan, rin cii kek ye koc pinynhom ten. Cimën cii yen ye raan pinynhom ten aya. ¹⁵ Yin acä bi thiëc ba ke nyaai pinynhom, ku yin aya thiëc ba ke tiit jöñrac. ¹⁶ Keek aacie koc piiny ten cimën cii yen raan piny ten. ¹⁷ Mac ke wet yic, rin wetdu ë yic. ¹⁸ Keek aca ke tuöc pinynhom cimën ci yin ya tuöc pinynhom. ¹⁹ Yen ë rot mac ë rienku, ku bik röt mac aya wet yic.

²⁰ “Yen acii röök rienken röt, yen aröök aya rin koc bi gam rin piöcöden. ²¹ Yen aröök rin bi kek aa tök. Wä, col ke aaye tök yoyiic cimën tö yin kek ya ku yen kek yi. Col ke aaye tök rin bi koc pinynhom ye gam lon ci yin ya tooc. ²² Yen aci lec ca yiëk ya, aca yiëk ke bik aa tök cimën ye yok tök. ²³ Yen areer keyiic cimën reer yin yayic bik aa tök ebën, bi koc pinynhom ñic lon ci yin ya tooc, ku lon nhieer yin ke cimën nhieer yin ya.

²⁴ “Wä, keek aaca yiëk ya, ku awiëc bik reer te reer yen thin, bik lecdie tiñ, lec ca yiëk ya, rin nhieer yin ya wäär këc piny guo cak. ²⁵ Wä raan la cök, koc pinynhom aa kuc yi, ku yin aniee, ku kockä anickë lon ci yin ya tooc. ²⁶ Yin aca nyuoöth tënë ke, ku aba not luoi këya, rin bi nhierdu tënë ya tö keyiic, ku ba töu keyiic aya.”

Jethu aci döm

(Mt 26:47-56; Mk 14:43-50; Lk 22:47-53)

18 ¹ Tewën ci Jethu röök këya, ke jiël kek kocken ye buoöth ku teem wär col Kidron. Ku gör ë tö thin teenë, go Jethu la thin kek kocken ye buoöth. ² Ku Judath raan goony ye ë ñic te ci yen la thin, rin ci Jethu kañ röm thin kek kocken ye buoöth arak juëc. ³ Go Judath la gör yic kek akut apuruuk, ku koc kök luañ Nhialic tiit, ci koc käk Nhialic ku koc akut Parathi tuöc thin. Keek aake muk töñ ku mermer, ⁴ ku Jethu ë ñic kəriëc ebën bi rot looi tënë ye, go ke lor nhim ku thiëc ke, “Yeña wieckë?”

⁵ Gokë beer, “Ee Jethu raan Nadharet.” Go luel, “Ee yen.” Ku Judath, raan goony ye ë tö thin ke ke.

⁶ Kaam wën lëk Jethu ye ke, “Ee yen,” Ke riñ ciëen keköth ku wiikkë piny. ⁷ Go Jethu ke ben thiëc, “Yeña wieckë?” Gokë luel, “Ee Jethu raan Nadharet.”

⁸ Go Jethu luel, “Aca lek we wenthëer lon ye yen ya. Na wieckë ya, ke we päl kockä bik jäl.” ⁹ Yeen aci jam këlä bi wet ci kañ luel ëlä rot tieñ tedë, “Wä, na cök a raan tökaliñ kam koc ca yiëk ya, ka këc muör.”

¹⁰ Ku Thaimon Piter ë muk pal. Go miëët bei ku tök alony raandit käk Nhialic ku teem yinyden cuëc wei. Ku alony ë cöl Malko. ¹¹ Go Jethu lek Piter, “Dhuök paldu jökgöde yic. Ye tak lön cï yen areem cï Wä yiëk ya bï guum.”

Jethu acï yäth Anath nhom

¹² Go akut apuruuk kek bányden ku kóc Itharel ke tit, Jethu dóm ku derkë, ¹³ ku kəŋkë yäth tənë Anath. Ku Anath ë ye wun tiŋ Kaipa, raandit käk Nhialic ye ruöön kënë. ¹⁴ Ee Kaipa yen ëci ye kaŋ lek kóc Itharel lön ŋueen yen bï raan tök thou rin kóc.

Piter ajei Jethu

(Mt 26:69-70; Mk 14:66-68; Lk 22:55-57)

¹⁵ Go Thaimon Piter kek raan det Jethu buöth, ku raan Jethu buöth kënë ë ñic raandit käk Nhialic guöp apei, go la kal pan raandit käk Nhialic yic kek Jethu. ¹⁶ Ku döŋ Piter ayeer kal thok. Go atuny wën ñiec kek raandit käk Nhialic dhuk ayeer, ku jieem kek nyen tit kal thok, ku bii Piter alonhthïn. ¹⁷ Go nyen tit kal thok Piter thiëc, “Cii ye raan tök kam kóc mony kënë buöth?” Go Piter beer, “Yei, yen acie raande.” ¹⁸ Ku wiir ë tö thïn, go aloony ku kóc tit many cool took, ku keëckë many wën lööm bik yöc. Go Piter la ku keec ke ke bï yöc aya.

Jethu aluk raandit käk Nhialic nhom

(Mt 26:59-66; Mk 14:55-64; Lk 22:66-71)

¹⁹ Go raandit käk Nhialic Jethu thiëc rin wet kocken ye buöth, ku rin wet piöcde. ²⁰ Go Jethu beer, “Yen ë cool jam akölaköl tənë raan ëbën kóc nhiim, ku piöcdeie ëbën aya looi ten amat ku luaŋ Nhialic te ye kóc Itharel guëer thïn. Ku yen acin kë ca kaŋ lueel ke muöny. ²¹ Ku yeŋö thiëc yin ya? Thiëc kóc cï welkie piŋ. Thiëc ke wël ca lek ke, rin aa ñic wël ca lueel.”

²² Tewën cï Jethu jam këlä, go raan tök kam kóc tit ke kääc thïn buöck nyin ku lueel, “Cii riöc ba jam këlä tənë raandit käk Nhialic?”

²³ Go Jethu beer tənë ye, “Na ca kuöc jam, ke lek kóc te cï yen kuöc jieem thïn. Ku na ye yic yen ca lueel, ke yeŋö meŋ yin ya?”

²⁴ Go Anath tuöc tənë Kaipa raandit käk Nhialic, ke ŋot der cin.

Piter acï Jethu ben jai

(Mt 26:71-75; Mk 14:69-72; Lk 22:58-62)

²⁵ Piter ë ŋot kääc tewën ke yöc mac. Go kóc kök lueel tənë ye, “Cii ye raan tök kam abiöth ë mony kënë?” Go Piter jai ku lueel, “Yei, yen acie raande.” ²⁶ Go muöny tök kam aloony raandit käk Nhialic, ruäi kek raan wën cï Piter tök yic wei, jam ku thiëc, “Kec yi tiŋ kek ye gör yic?” ²⁷ Go Piter ben jai, ku kiu thon ajith nyin yic.

Kóc Itharel aaci Jethu gaany tənë Pilato

(Mt 27:1-2, 11-14; Mk 15:1-5; Lk 23:1-5)

²⁸ Gokë Jethu thel wei pan Kaipa ku yethkë pan benydit Roma, Pilato. Ku piny ë ye nhiäknhiäk dur yic. Go kóc Itharel cii la alonhthïn pan benydit, ku bik röt tiit ajueec rin cï yai thiök, ku bik miëth Yan Ayum cïn yic luou cam. ²⁹ Go Pilato la ayeer tənë ke ku thiëc ke, “Ye awäc ŋö cäk yök ye mony kënë guöp?”

³⁰ Gokë beer, “Na cïn awuöc cï looi ŋuöt akëcku bæi tənë yi.”

³¹ Go Pilato lek ke, “Week gup lömkë ku luökë luk kë cit löŋ cieŋ pandun.”

Go kóc Itharel beer, “Akëc puöl tənë yo buk raan tem thou.” ³² Kënë acï rot looi bï wet cï Jethu lueel rot tieŋ tede, wën lueel yen kuat thon bï yen thou.

³³ Go Pilato dhuk kal yic ku cöl Jethu ku thiëc, “Ye yin Benyñaknhom kóc Itharel?”

³⁴ Go Jethu beer, “Wet kënë ye wetdu aye kóc kök kek cï ye lek yi ë rienkie?”

³⁵ Go Pilato beer, “Ye tak lön ye yen raan Itharel? Aa kacku guöp kek kocken dit käk Nhialic, kek aa bii yi tənë ya. Yeŋö ca looi?”

³⁶ Go Jethu beer, “Bäänydie acie bääny pinyinhom. Na bäänydie ye kën pinyinhom, ŋuöt kackie aaci thör bï yen cii teeu kóc Itharel cin. Acie këya, bäänydie acie kën pinyinhom ten.”

³⁷ Go Pilato ben thiëec, “Yiin, ye benyñaknhom?” Go Jethu beer, “Aye lueel lon ye yen benyñaknhom. Yen aci dhiëeth ku yen aci ben pinyñhom rin wet tönj kënë, ba jam wet yic. Ku kuat raan ci yic ñic ë wetdie piñ.”

³⁸ Go Pilato thiëec, “Ku yic ye kën ñö?” Ku ben dhuk ayeer tënë koc Itharel ku lek ke, “Acin awuöc ca lëu ba yök yeguöp bi ye luök wei. ³⁹ Ku yeen ë wet piändun ba raan tönj ci mac lony rin Yan Ayum cin yic luou. Wieckë ba Benyñaknhom koc Itharel luöny we?”

⁴⁰ Gokë dhuök ye ke loi kieeu, “Acie këya! Acie yen wicku. Barabath yen awicku.” Ku Barabath ë ye cuär koc rum.

Jethu aci tem thou

(Mt 27:15-31; Mk 15:6-20; Lk 23:13-25)

19 ¹ Go Pilato Jethu dom ku col athat. ² Ku jol apuruuk ker thii tim la kuöth riic yiic ku ñek kek yenhom, ku tæukë alanh mathiän yeköu, ³ ku bikkë tënë ye ku luelkë, “Madho, Benyñaknhom, Beny koc Itharel,” ku mankë nyin.

⁴ Go Pilato ben dhuk ayeer ku lek koc wën ci kenhim kut, “Yeen aba thel ayeer tënë we tënë, ku bak tin lon cin yen te bi yen awuöc yök yeguöp ba luök wei.” ⁵ Këya, go Jethu ben ayeer ke ceñ ñakñak ci looi kuöth ku alanh mathiän yeköu. Ku lueel Pilato tënë ke, “Yen kin, yen raan!”

⁶ Nawën tinjë, ke koc käk Nhialic ku koc fit kiu ku luelkë, “Piäät tim ci riü köu.” Go Pilato lek ke, “Damkë kek we bak piäät tim ci riü köu, yen akëc awuöc yök yeguöp.”

⁷ Gokë wet dhuk, “Yok aa la löñ ciëñda ye lueel lon dhil ye nöc, rin aci lueel lon ye yen Wën Nhialic.”

⁸ Nawën piñ Pilato wet kënë, ke riöc apei. ⁹ Ku dhuk kal yic ku thiëec Jethu, “Yiin bäär tenen?” Go Jethu biet ku ci bäär thok acin. ¹⁰ Go Pilato lek ye, “Ci wic ba jam kek ya? Tak yinhom lon nadë ke yen ala riel ba yi puöl, ku yen ala riel aya ba yi col apiëet tim ci riü köu.”

¹¹ Go Jethu beer, “Yin ala riel tënë ya rin ci Nhialic ye yiëk yi, ku ë yen ale raan ca täau yicin guöp awuöc rac apei.”

¹² Nawën piñ Pilato wëlkä, ke wic apei bi dhël yök bi yen Jethu puöl. Go koc Itharel kiu tënë ye ku luelkë, “Te lony yin ye ka ye nyooth lon ci yin mäath kek Benyñaknhom. Kuat raan rot looi bi ya benyñaknhom, ee raan ater Benydan ñaknhom.”

¹³ Nawën piñ Pilato ë wëlkä, ke thel Jethu ayeer ku nyuuc thöny luk tö laar col, “Piny ci guir kuör,” Ku ë col Gabata thoñ koc Itharel. ¹⁴ Ku aköl kënë yen aköl guir koc röt rin Yan Ayum cin yic luou. Nawën tecit aköl ciel yic, ke lek Pilato koc Itharel, “Benydun ñaknhom akin!”

¹⁵ Gokë kiu tënë ye, “Näk! Näk! Piäät tim ci riü köu!” Go Pilato ke thiëec, “Wieckë ba Benydun ñaknhom piäät tim ci riü köu?”

Go koc käk Nhialic beer, “Bänyda ë tök, ee benyñaknhom Roma!”

¹⁶ Go Pilato ke yiëk Jethu bik la piäät tim ci riü köu.

Jethu aci piäät tim ci riü köu

(Mt 27:32-44; Mk 15:21-32; Lk 23:26-43)

Gokë Jethu dom. ¹⁷ Ku ler ayeer ke ket timden ci riü, ke jiël geeu bi la te col Golgotha. (Ku wetde yic, gon la gueñ-ñeñ cit apen nom raan.) ¹⁸ Ku jolkë piäät tim ci riü köu. Ku piëtkë koc karou aya tiim ci riü kööth, raan tök löñ cuëc ku raan det löñ cam. Ku Jethu ciel kamken. ¹⁹ Go Pilato awuöc göt bi täau tim ci riü nom. Ku kën ci göt akin, “|scJETHU RAAN NADHARET, BËNYÑAKNHOM ITHAREL.|d” ²⁰ Ku koc juëc aake ci kënë kuen, rin ten ci Jethu piäät tim ci riü köu thin, aci mec ke geu. Ku wet ëci göt thoñ koc Itharel ku thoñ koc Roma ku thoñ Girik. ²¹ Go kocdit käk Nhialic Itharel lek Pilato, “Duk ye göt, ‘Benyñaknhom koc Itharel,’ ayeen ba göt, ‘Acı mony kënë lueel, yen ë benyñaknhom koc Itharel.’ ”

²² Go Pilato beer, “Kë ca göt areer ke ca göt.”

²³ Nawën ci apuruuk Jethu piäät tim ci riü köu, ke löm aläthke ku tekkë keyiic ñuan, abañ tök tënë apuruök tök. Ku lömkë alanh köu aya ci koc këdiet tök, jock yeyeth yet piny. ²⁴ Ku luelkë kamken, “Dukku tem köu, cuetku gek buk tin bi lööny tënë ña.” Kënë aci rot looi bi wet ci göt athör theer wël Nhialic yic rot tieeñ tede, “Keek aaci aläthkie tek kamken, ku cuetkë gek rin alanhdien köu.”

Kënë yen aci apuruuk looi ayic.

²⁵ Ku tethiök kek tim ci riü Jethu, diäär aake käac thin, man ku nyankën ë man, Maria tin Klopath ku Maria Magdalena. ²⁶ Nawën tin Jethu man ku raan ye buöth nhieer ke käac aya ë teen, ke lek man, “Tik manhdu akin.”

²⁷ Ku ben lek raan ye buoõth wën, “Moor akin.” Ku yaköl guõp ke wic raan ye buoõth awën piny paande.

Jethu aci thou ayic

²⁸ Nawën ñic Jethu lon ci këriëc ëbën thääp, ke lueel bi wet ci göt athör theer wël Nhialic yic rot tieen, “Yen anek rou.”

²⁹ Ku töny ci thiän muõn wac ë tö thïn, gokë alath luõt möu yic, ku tæukë wai thok, ku yooõkkë yethok.

³⁰ Nawën ci Jethu muõn wac jooc ke lueel, “Wet aci thääp.” Ku gut yenhom piny ku thou.

Jethu aci gut puõu

³¹ Go koc Itharel Pilato thiëc bi ke puõl bik koc ci piäät tiim ci riü köth dhoõ kuõl, ku nyeeikë guäpken tiim ci riü köth. Ku ë loikë këlä rin ye yen aköl nien Dhiëc, ku acik ye wic bi guäpken rëer tiim ci riü köth aköl nien Dätëm, rin yen aköl yandit apei. ³² Go apuruuk la ku dhoõkë kuõl raan tök ku kuõl raan det, ë koc ci piäät tiim ci riü köth kek Jethu. ³³ Nawën bikkë tënë Jethu, ke tiõkë lon ci yen thou ku cik ben dhoõ kuõl. ³⁴ Go apuruõõ tök Jethu gut puõu tõõ, go riem ku piü kuër nyin yic. ³⁵ Ku raan ci këne tiõ acil lueel rin bi wek ye gam aya. Wet ci lueel ë yic, ku yeen aõic lon ye yen wet yic yen lueel. ³⁶ Kënë aci rot looi bi wet ci göt athör theer wël Nhialic yic rot tieen, “Acin yuõõmden bi dhoõ.” ³⁷ Ku ben lueel tedet athör yic ëlä, “Ku aabi daai raan yen cik gut.”

Jethu aci thiõk

³⁸ Nawën ë këne cõk ciëen, ke Jothep raan gen Arimatheo bö tënë Pilato ku thiëc bi guõp Jethu nyaai. (Jothep ë ye raan Jethu buoõth ci gam, ku aye moony rin riõõc yen bany Itharel.) Go Pilato lek ye lon ci guõp puõl tënë ye. Go Jothep la ku le nyaai. ³⁹ Go Nikodemo, raan wäär ci kaõ la tënë Jethu wakõu, rot mat Jothep ku ë muk miõk ñir cõl mira ci liäap wäl det cõl aloe. ⁴⁰ Go röör wën karou guõp Jethu löõm ku derkë köu alath ke ci wäl ñir tääu thïn, rin këne yen ë te ye koc Itharel guiër guõp raan ci thou bi jäl thiõk. ⁴¹ Ku tewën ci Jethu nõk thïn gör ë tö thïn, ku raõ yam ë tö gör yic, ku ë cin raan ci kaõ thiõk thïn. ⁴² Ku rin bi yen aköl yan koc Itharel nhiäk, ku rin thiõk raõ aya, gokë guõp Jethu töõu thïn.

Raõ aci yic lääu

20 ¹ Riel yic aköl Nhialic ke piny ñot la durdur, ke Maria Magdalena la raõ nom, go alal tiõ ke ci nyaai raõ thok. ² Go riõ tënë Thaimon Piõter, ku tënë raan det Jethu buoõth nhiëer Jethu, ku lëk ke, “Koc aaci Beny nyaai raõ yic ku akucku te ci kek ye tääu thïn.”

³ Go Piõter ku raan Jethu buoõth det wën löõny dhõl, ku lekkë raõ nom. ⁴ Ku keek aake la ke kat kedhie, go raan Jethu buoõth det wën kat apeil tënë Piõter, ku ye yen kaõ yet raõ nom. ⁵ Go guõ ku tiõ alanh wäär ci Jethu der, ku akëc la alõõthïn. ⁶ Go Thaimon Piõter guõ ben ku ler raõ yic. Go aleth tiõ ke reer piiny, ⁷ ku alanh ci Jethu kum nom ëcii reer kek aleth kõk, ëci mat yic tede rot. ⁸ Go raan Jethu buoõth det wën ci kaõ yet raõ nom jäl la alõõthïn, ku gem. ⁹ (Ku keek aake ñot ke këc wet athör theer wël Nhialic deet yic, athör ye lueel lon bi yen rot dhiel jõt thou yic.) ¹⁰ Go koc ye buoõth jal dhuk bei.

Jethu aci rot nyuõth Maria Magdalena

¹¹ Kaam wën Maria ë kääc ayeer tethiääk kek raõ ke dhiau. Ku tewën ñot dhieeu yen ke guõõ ku luit raõ yic, ¹² Ku tiõ atuuc nhial ci ruk aleth yer karou, ke reer tewäär ci guõp Jethu töõu thïn, tök te la yenhom ku det te la yecõk. ¹³ Gokë thiëc, “Tik, ye rin ñõ dhieeu yin?” Go lueel, “Keek aaci Bandyie nyaai, ku akuõc te ci kek ye tääu thïn.”

¹⁴ Kaam wën lueel yen këne, ku jõl wel yenyin ke tiõ Jethu ke kääc yelõõm, ku akëc ñic lon ë yen Jethu. ¹⁵ Go Jethu thiëc, “Tik, ye rin ñõ dhieeu yin? Yeõa wic?” Go tak lon ë yen raan lui dom yic, ku lëk ye, “Beny, na ye yin ci ye nyaai, ke lek ya te ci yin ye töõu thïn, ku yen abi la ba la löõm.”

¹⁶ Go Jethu lek ye, “Maria.” Go yenhom wel ye ku lueel thoõ koc Itharel, “Rabuni,” ku wetde yic, “Raan piõõc.”

¹⁷ Go Jethu lek ye, “Duk ya gõt rin yen ñot ya këc yet nhial tënë Wä. Ku yün loõr tënë wämäthkie ku lek ke, ‘Yen adhuk ciëen tënë ye, yen ë Wä, ku ye Wuurdun, Nhialicdie ku ye Nhialicdun.’ ”

¹⁸ Go Maria Magdalena jäl ku le lek koc ye buoõth lon ci yen Beny tiõ, ku lëk ke wël ci Jethu lek ye.

Jethu aci rot nyuõth kacken ye buoõth

¹⁹ Naxõn thëei ya akõl Nhialic wën, ke kac ye buoõth aake cì rõt mat yõn cì riit thok, rin riõõc kek bany Itharel. Go Jethu ben ku keec kamken ku lueel, “Bì dõõr rëer kek we.” ²⁰ Wën cì yen jam këlä, ke nyuth ke yecin ku yelõm. Go kac ye buoõth puõth miet apei wën tiñ kek Beny. ²¹ Ku ben Jethu lek ke, “Bì dõõr rëer kek we, cimën cì Wä ya tooc, ke wek aa ba tooc aya.” ²² Wën cì yen jam këlä, ke jol wëei kenhiim ku lueel, “Lõmkë Wëi Nhialic. ²³ Na pälkë adumuõõm kac piny, ka pel piny, na cak ke pel piny, ka cii pel piny.”

Jethu ku Thomath

²⁴ Ku Thomath, cõl Acueek, raan tõk kam kac kathiäär ku rou ye buoõth, ee liu thin wën bii Jethu. ²⁵ Go abiõth kõk lek ye, “Banyda acuk tiñ.”

Go Thomath lek ke, “Na cie tetõõk wäär cì ye piääc kek tieñ yecin, ku tääu yacin ë tetõõkkä yiic, ku tääu yacin yeyõu aya, ka cä kõñ gam.”

²⁶ Nawën nin kabet cõk, ka abiõth aake cì rõt ben mat yõt ku Thomath ë ræer thin ke ke, ku yõt ëcì riit thok. Go Jethu ben kõõc kamken ku lueel, “Bì dõõr rëer kek we.” ²⁷ Ku jol lek Thomath, “Tääu yicin ten, ku tiñ cienkie ku jot yikõk ba yicin tääu yayõu. Päl kënë yin kãñ dhõl yiic, ku gam!” ²⁸ Go Thomath beer, “Banydie ku Nhialicdie.”

²⁹ Go Jethu lek ye, “Ca gam rin cì yin ya tiñ? Ye këpuõth bì yiëndë tënë kac bì gam ke këc ya tiñ!”

Wet wic athör kënë bì nyuõth kac

³⁰ Jethu aci kädit jãñ göi looi kacken ye buoõth nhiim, ku keek aa këc gõt athör kënë yic.

³¹ Ku kãkkä aaci gõt rin bæk gam lön ye Jethu Wën Nhialic cì loc, ku bæk pir yök ë rienke te cì wek gam.

Jethu aci rot nyuõth kac ye buoõth kadhrou

21 ¹ Nawën ë kãkkä cõk ciëen ke Jethu ben rot nyuõth kacken ye buoõth wär Tiberia yõu. Ku te cì luõi ye akin. ² Thaimon Piter kek Thomath (cõl Acueek), ku Nathaniel (raan Kana pan Galilia), ku weet Dhudedi, ku kac kõk karou Jethu buoõth, aake reer tetõk ëbën. ³ Go Thaimon Piter lek kac wën, “Yen ala mei.”

Gokë lek ye, “Yok aabi cath kek yi.” Gokë la ku lek riäi yic, ku acin kë cik dõm ë weer kënë yic ëbën.

⁴ Tewën bii akõl nyin, ke Jethu ë kääc wär yõu, ku akëc kacken ye buoõth ñic lön ë yen Jethu. ⁵ Go lek ke, “Riënythii, cin kë cak dõm?” Goke beer, “Acin këdãñ.”

⁶ Go lek ke, “Cuatkë buoi lõñ cuëny riäi, ku kãñ aa bæk dõm thin.” Gokë buoi cuat ku göõk ke bik miit rin juëc rec apei.

⁷ Go raan Jethu buoõth nhiier Jethu lek Piter, “Kën ë Beny.” Nawën piñ Thaimon Piter lön ye yen Beny, ke ruk alanhde yekõu (rin cì yen alãthke däk bei ëbën) ku thuet wiiir. ⁸ Go abiõth kõk lõk ben ke cath riäi, ke thel buoi ke cì thiãñ rec. Ku keek aake cii mec apei kek agõr, aake cit akääth bian tõk. ⁹ Nawën keeckë piny ke tiñ many ë miim ke dep ku rec ke cì tääu meec kek ayup. ¹⁰ Go Jethu lek ke, “Beeikë rec abek rec awën cak dõm.”

¹¹ Go Thaimon Piter la riäi yic ku miit buoi wär thok ke cì thiãñ rec dit, ku rec ëbën aa buot ku thiãrdhiëc ku diäk. Tewën cõk rec juëc këlä, buoi akëc yic reet. ¹² Go Jethu lek ke, “Bæk, miëthkë.” Ku acin raan tõk kam kac ye buoõth cì ye cak thiëëc, “Ye yin ña?” Rin ñic kek ye lön ye yen Beny. ¹³ Go Jethu rot cuot ku löõm ayup ku yik ke ku ben looi këya kek rec.

¹⁴ Këlä, Jethu aci rot nyuõth kac ye buoõth kën yen yic diäk, tewën cì yen rot jot kam kac cì thou.

Jethu ku Piter

¹⁵ Wën cì kek mith ke lëk Jethu Piter, “Thaimon wën Joon, nhiañ ya apei ten te nhiier kockä ya?”

Go beer, “Ee këya Beny, añic lõn nhiier yen yi.”

Go Jethu lek ye, “Biõõk amãlkie apath.” ¹⁶ Ku ben Jethu lek ye, “Thaimon, wën Joon nhiañ ya apei?”

Go beer, “Ee këya Beny añic lõn nhiier yen yi.”

Go Jethu lek ye, “Biõõk amãlkie apath.” ¹⁷ Ku ben Jethu thiëëc arak det ye kek diäk, “Thaimon, wën Joon nhiañ ya?”

Go Piter puõu dak rin cì Jethu ye thiëëc arak det ye kek diäk, “Nhiañ ya?” Ku lëk ye, “Beny, yin añic këriëëc ëbën, ku yin añic lõn nhiier yen yi.”

Go Jethu lek ye, “Biöök amälkie apath, ¹⁸ Wet yic alek yī, wäär ɲot ye yīn riēnythii ke yīn ye rot guir ku lɔr te wīc piāndu, ku te bī yīn dhiɔp ke yīn abī yīcin ɣaak tuɛɲ, ku raan det abī der ku thel yī te cīi wīc ba la thīn.”

¹⁹ Kākkā aaci Jethu lueel bī nyuöth Pīter te bī yen thou thīn, ku bī kɔc cɔl aaye Nhialic leec thīn. Ku jɔl Jethu lek ye, “Buöth ɣa.”

Jethu ku raan det ye buöth

²⁰ Go Pīter yenhom wel ku tīɲ raan det ye buöth nhiɛr Jethu ke buöth ke, raan wäär thiäak kek Jethu wäär mīth kek, cī Jethu ben thiëc älä, “Beny, yeɲa bī yī la gaany?” ²¹ Wēn tīɲ Pīter ye, ke lēk Jethu, “Beny, na raan detē, bī yiëndē?”

²² Go Jethu bæer, tēnē ye, “Na wiēc bī pīr ɣet aköl bī ɣen ben, ke yeɲö tēnē yī? Yīn emēn buöth ɣa.”

²³ Go wet thiēi piny kam kɔc buöth Jethu lɔn raan Jethu buöth kēnē aciī bī thou. Ku akēc Jethu lueel lɔn cīi yen bī thou. Acī lueel, “Na wiēc bī pīr ɣet aköl bī ɣen ben ke yeɲö tēnē yī?”

²⁴ Raan kēnē yen ē raan Jethu buöth jam kāk cī tīɲ, ku yen ē get ke aya, ku aɲic lɔn wet cī lueel ē wet yic.

²⁵ Emēn kājuēc kōk aatö thīn, kāk cī Jethu looi. Na ke cī gāt piny ebēn, tōk ku tōk, ke ɣen aya thööɲ lɔn piny ebēn aciī lēu bī athör gāt jɔt.